

Gielddaráđdehus**Áigi** 09.10.2023 dii. 13:00 - 16:55**Báiki** Hybridačoahkkinn, gielddadálu váldostivrasále dahje teams-heivehus**Giedahallojuvvon áššit**

§	Bajilčála	Siidu
131	Čoahkkima lágalašvuohta ja mearridanváldi	3
132	Beavdegirjji dárkkisteaddjiid válljen	4
133	Čoahkkima bargoortnega dohkkeheapmi	5
134	Gielddahoavdda dillegeahčastat	6
135	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	7
136	Gielddahoavdda virggi deavdin	8
137	Gieldda boahtovearproseantta nannen jahkái 2024	13
138	Giddodatvearu nannen jahkái 2024	14
139	Eretcealkin gieldda luohhtámušdoaimmain, Eeva Jaatinen	16
140	Eretcealkin gieldda luohhtámušdoaimmain, Antti Jaatinen	17
141	Eretcealkin gieldda luohhtámušdoaimmain, Leevi Halonen	18
142	Davvi-Lappi guovlooktasášbarggu gielddaidovttastumi ovttastupmečoahkkima ovddasteaddjiid válga	19
143	Presideanttaválggaid ovdajienastanbáikkiid meari, báikkiid ja rabasáiggiid mearrideapmi	21
144	Presideanttaválggaid jienastanguovlluid válgabeaivvi jienastanbáikkid	23
145	Davvi- ja Nuorta-Lappi barggolašvuođaguovllu ovttasbargošiehtadus almmolaš bargofápmobálvalusaid lágideapmái ja barggolašvuođabálvalusaid ordnenplána	24
146	Cealkámušbivdda: Cealkámušbivdda: Suoma ja Norgga gaskasaš Deanu čázádaga guolástannjuolggadusa vuolláičállin	32
147	Ohcejoga skuvllaid áiggeájit 2023-2024	33
148	Erenomášluohkáoaheaddji virggi vuodđudeapmi	35
149	Ohcejoga gieldda bázahusmáksotávssaid bajádus	37
150	Ruhtadoalu dili birra oanehaččat	40
151	Doaibmaorgánaid mearrádusat	41
152	Áššit diehtun	42
153	Tontte oastin, Seilonen Aimo	43
154	Giddodat Oy Ringinvatro loatnaordnedallan	44
155	Ovddasteaddji nammadeapmi Our Precious Transboundary Waters -prošeavtta stivrenjovkui	46
156	Gulahallankordináhtora 50 % doaimma deavdin 1.1.2024-31.12.2025	47
157	Ohcejoga gieldda oassálastin MountResilience-fitnui	49

Beavdegirjji dárkkisteaddjit:

Oasseváldit

	Namma	Dii.	Doaibma	Lassidiedut
Mielde	Guttorm Väinö	13:00 - 16:55	Ságadoalli	
	Länsman Vesa	13:00 - 15:00	Várreságadoalli	
	Kordelin Marjatta	13:00 - 16:55	Lahttu	
	Niittyvuopio-Valle Laura	13:00 - 16:30	Lahttu	
	Rasmussen Riikka	13:00 - 16:55	Lahttu	
	Tapiola Ilmari	13:00 - 16:55	Lahttu	
	Porsanger Veikko	13:00 - 16:55	Várrelahttu	
	Pohjanrinne Arto	13:00 - 16:55	Váldostivrra ságadoalli	
Eret	Rasmus Niku		Lahttu	
	Konttinen Pirjo		Várrelahttu	
	Guttorm Urho		Várrelahttu	
	Hekkanen Eemeli		Várrelahttu	
	Jaatinen Eeva		Várrelahttu	
	Holmberg Aslak		Várrelahttu	
	Ahlakorpi Anni		Várrelahttu	
Earát	Lepistö Tanja	13:00 - 16:55	Áššemeannudeaddji	
	Länsman Marja	13:00 - 16:55	Beavdegirjedoalli	
	Orti-Berg Riitta	13:00 - 16:55	Dulka	

VuolláičállosatVäinö Guttorm
ságadoalliMarja Länsman
beavdegirjedárkkisteaddji**Giedahallojuvvon áššit**

131 - 157

Beavdegirji dárkkisteapmi

Dárkkistanáigi 9.10.2023

Marjatta Kordelin

Veikko Porsanger

Beavdegirji lea dollojuvvon albmosis

Gielddadállu, guovddášdoaimmahat 16.10.2023

Minna Lukkari
almmuhantávvala dikšu

Beavdegirji dárkkisteaddjit:

Čoahkkima lágalašvuohta ja mearridanváldi

Gr 09.10.2023 § 131

Gávnnavuvvo, ahte čoahkkin lea lágalaččat čoahkkái bovdejuvvon ja mearridanválddálaš.

Mearrádus:

Gávnnavuvui, ahte čoahkkin lea lágalaččat čoahkkái bovdejuvvon ja mearridanválddálaš.

Beavdegirji dárkkisteaddjiid válljen

Gr 09.10.2023 § 132

Válljet čoahkkimii guokte beavdegirjedárkkisteaddji.

Mearrádus:

Beavdegirjedárkkisteaddjin välljejuvvuiga Marjatta Kordelin ja Veikko Porsanger.

Čoahkkima bargoortnega dohkkeheapmi

Gr 09.10.2023 § 133

Evttohus:

Gielddaráđdehus dohkkeha áššiid gieđahallanortnega čoahkkima evttohuslisttu mielde.

Mearrádus:

Ságadoalli evttohii, ahte lassιάššin meannuduvvojit Tontte oastin, Seilonen Aimo, Kiinteistö Oy Ringinvatro loatnaordnedallan, Ovddasteaddji nammadeapmi Our Precious Transboundary Waters - proševtta stivrenjovkui, Gulahallankordináhtora 50 % doaimma deavdin 1.1.2024-31.12.2025 sihke Ohcejoga gieldda oassálastin Mount Resilience -prošektii.

Gieđahallanortnet dohkkehuvvui lassιάššiid lasihemiin.

Gielddahoavda dillečielggadus

Gr 09.10.2023 § 134

Gielddahoavda mitalii áigeguovdilis áššiid birra oanehaččat.

Evttohus:

Merkejuvvui diehtun.

Mearrádus:

Gielddahoavda buvtii ovdan gielddaráđdehussii boahtteáiggi dilálašvuodaid ja eará áigeguovdilis áššiid:

- Luondduriggodatguovddáša ja Eana- ja vuovdedoalloministeriija galledeapmi Ohcejogas 7.9.
- ÄRM-galledeapmi EJB-guovddášis 12.9.
- YVA rs:a galledeapmi Ohcejogas 15.9.
- Johtolatministtar Lulu Ranne galledeapmi Avvilis 16.9., man Lappi lihttu koordinerii
- Lapin Ruoka rs:a strategijabeaivi 20.9.
- Eana- ja vuovdedoalloministera Sari Essayaha galledeapmi Ohcejogas 23.9.
- Giella- ja guovlluovddidanbeaivvit Roavvenjárggas 26.-27.9.
- Davvi-Suoma eanagoddeláva 2040 stivrenjoavkku čoahkkin 3.10.
- Suoma birasguovddáša dilálašvuolta gielddadálus DAVVI-fitnu gullamis 11.9.

- Bušeahttaválmmaštallan 2024
- Eanapolitihkalaš prográmma gárven
- Turisma master plan ollašuhttin
- LND:a strategiija ođasmahttin
- Lappi gielddahoavddaid čielggadeapmi TE24-dilis ministtar Satonenii

Merkejuvvui diehtun.

Dán oktavuodas Ilmari Tapiola evttohii, ahte gielddaráđdehusa čuovvovaš čoahkkimii buktojuvvo čilgehus Ohcejoga ja Gáregasnjárgga skuvllaid láhtiid dilis ja Njuorggáma skuvlla agoartta huksejeaddji dilis. Evttohus dohkkehuvvui ovttamielalaččat.

Gávpenannejeaddji giddodatluohpadanalmmuhusat ja gieldda ovdaoastinvuoigatvuoda geavaheapmi

Gr 09.10.2023 § 135

Gildii leat boahtán 7 stuhka gávpenannejeaddji giddodatluohpadanalmmuhusat, listá giddodatluohpadanalmmuhusain lea siidomateriálan. Giddodatluohpadanalmmuhusat leat buohkanassii oaidnin láhkai čoahkkimis.

Ovdaoastinlága mielde ovdaoastinvuoigatvuoda geavahettiin mearrádussii ožžot oasti ja vuovdi ohcat nuppástusa ja váidit hálddahušiektái.

Gieldda mearrádussii leat geavatkeahtta ovdaoastinvuoigatvuoda ii oaččo ohcat nuppástusa váidimiin.

Evttohus:

Gielddaráđdehus merke diehtun gávpenannejeaddjiid giddodatluohpadanalmmuhusaid ja mearrida, ahte gielda ii geavat ovdaoastinvuoigatvuoda gávppi vuloš báikkiide.

Mearrádus:

Evttohus dohkkehuvvui.

Gielddaráđdehus	§ 95	05.06.2023
Váldostivra	§ 30	21.06.2023
Gielddaráđdehus	§ 124	09.08.2023
Gielddaráđdehus	§ 136	09.10.2023

Gielddahoavdda virggi deavdin

121/01.01.01/2014

Gr 05.06.2023 § 95

Gielddahoavda Taina Pieski lea eretcealkán iežas barggustis 1.8.2023 rájes.

Gieldalága mielde gielddahoavda jođiha gielddaráđdehusa vuollásažžan gieldda hálddahusa, ekonomiiadikšuma ja eará doaimma. Gielddahoavda vástida áššiid válmmaštallama gielddaráđdehusa gieđahallamii. Gielddahoavdda gelbbolašvuodagáibádusaid, earu mieđiheami ja válljema mearrida váldostivra. Virggi almmuha ohcanláhká gielddaráđdehus. Ohcejogas gielddahoavda lea válljejuvvon doaisttáži.

Gielddahoavdda virgái sáhtta miehtama vuodul váldit maid dakkár olbmo, gii ii leat virggi ohcan ja gean gelbbolašvuodas lea ovdanbukton čielggadus.

Evttohus:

Gielddaráđdehus evttoha váldostivrii, ahte

1. gielddahoavda Taina Pieskii mieđihuvvo earru nu, ahte su maŋimuš virgegaskavuodabeaivi lea 31.7.2023.
2. gielddahoavdda virgi devdojuvvon doaisttáži. Gielddahoavddas gáibiduvvo heivvolaš bajit allaskuvladutkkus, gieldahálddahusa ja -ekonomiija máhttu ja geavatlaš hárvánupmi jođihanbargguin. Lassin atnit árvvus ovttasbarganmáhtu, buriid vuorrováikkuhandáidduid sihke servodatoktavuođaid. Sámegeala máhttu ja sámekultuvrra dovdamuš gehččojuvvo ohccái erenoamáš ánsun. Váldostivra fápmuda vs. gielddahoavdda ja gielddaráđdehusa ságadoalli gárvvistit ohcanalmmuhusa loahpalaš hápmái ja mearridit dan almmustahttimis
3. gielddaráđdehus mearrida ohcciid, geat bovdejuvvojit jearahallamii, ja jearahallá sin. Jearahallamiidda bovdejuvvojit mielde maid váldostivrra ságadoallit.
4. gielddaráđdehus sáhtta dárbbu mielde čađahit ođđasit gielddahoavdda virggi ohcanproseassa.
5. váldostivra merke diehtun, ahte eallinfápmohavda Tanja Lepistö doaibmá gielddahoavdda virgesadjásažžan 19.5-31.7.2023, ja rabas virggi dikšun 1.8.2023 rájes dan rádjai, go ođđa virgehálddašeaddji álggaha barggustis.

Gielddaráđdehus	§ 95	05.06.2023
Váldostivra	§ 30	21.06.2023
Gielddaráđdehus	§ 124	09.08.2023
Gielddaráđdehus	§ 136	09.10.2023

Gielddaráđdehus mearrida, ahte go váldostivra lea dohkkehan gelbbolašvuodaeavttuid, de virgi almmuhuvvo ohcanláhkai áigodahkii 22.6-3.8.2023.

Mearrádus:

Evttohus dohkkehuvvui.

Váld 21.06.2023 § 30

Evttohus:

Váldostivra mearrida, ahte

1. gielddahoavda Taina Pieskii miedihuvvo earru nu, ahte su maŋimuš virgegaskavuodabeaivi lea 31.7.2023.
2. gielddahoavdda virgi devdojuvvo doaisttázii. Gielddahoavddas gáibiduvvo heivvolaš bajit allaskuvladutkkus, gielddahálddahusa ja -ekonomiija máhttu ja geavatlaš hárvánupmi jođihanbargguin. Lassin atnit árvvus ovtasbarganmáhtu, buriid vuorrováikkuhandáidduid sihke servodatoktavuođaid. Sámegiela máhttu ja sámekultuvrra dovdamuš gehččojuvvo ohccái erenoamáš ánsun. Váldostivra fápmuda vs. gielddahoavdda ja gielddaráđdehusa ságadoalli gárvvistit ohcanalmmuhusa loahpalaš hápmái ja mearridit dan almmustahttimis
3. gielddaráđdehus mearrida ohcciid, geat bovdejuvvojit jearahallamii, ja jearahallá sin. Jearahallamiidda bovdejuvvojit mielde maid váldostivrra ságadoallit.
4. gielddaráđdehus sáhtta dárbbu mielde čađahit ođđasit gielddahoavdda virggi ohcanproseassa.
5. váldostivra merke diehtun, ahte eallinfápmohoavda Tanja Lepistö doaibmá gielddahoavdda virgesadjásažžan 19.5-31.7.2023, ja rabas virggi dikšun 1.8.2023 rájes dan rádjai, go ođđa virgehálldašeaddji álggaha barggustis.

Mearrádus:

Váldostivra mearridii ahte gielddahoavda Taina Pieskii miedihuvvo earru, nu ahte su maŋimuš virgegaskavuodabeaivi lea 31.7.2023.

Váldostivra mearridii, ahte gielddahoavdda virgi devdojuvvo doaisttázii. Gielddahoavddas gáibiduvvo heivvolaš bajit allaskuvladutkkus, gielddahálddahusa ja -ekonomiija máhttu ja geavatlaš hárvánupmi jođihanbargguin. Lassin atnit árvvus ovtasbarganmáhtu, buriid vuorrováikkuhandáidduid sihke servodatoktavuođaid. Sámegiela máhttu ja sámekultuvrra dovdamuš gehččojuvvo ohccái erenoamáš ánsun. Váldostivra fápmuda vs. gielddahoavdda ja gielddaráđdehusa ságadoalli gárvvistit

Gielddaráđdehus	§ 95	05.06.2023
Váldostivra	§ 30	21.06.2023
Gielddaráđdehus	§ 124	09.08.2023
Gielddaráđdehus	§ 136	09.10.2023

ohcanalmmuhusa loahpalaš hápmái ja mearridit dan almmustahttimis

Váldostivra mearridii, ahte gielddaráđdehus mearrida ohcciid, geat bovdejuvvojit jearahallamii, ja jearahallá sin.

Ságadoalli evttohii, ahte buot áirasat bovdejuvvojit ohcciid jearahallamiidda. Evttohus dohkkehuvvui ovttamielalaččat.

Váldostivra mearridii ahte gielddaráđdehus sáhtta dárbbu mielde čadahit ođđasit gielddahoavdda virggi ohcanproseassa.

Ilmari Tapiola evttohii, ahte gielddahoavdda virgesadjásaš galggašii dikšut virgebargguid fysalaččat Ohcejoga gielddadálus. Evttohus ii guottihuvvon.

Váldostivra merkii diehtun, ahte eallinfápmohoavda Tanja Lepistö doaibmá gielddahoavdda virgesadjásažžan 19.5-31.7.2023, ja rabas virggi dikšun 1.8.2023 rájes gitta dan rádjai go ođđa virgedoalli álggaha barggustis.

Gr 09.08.2023 § 124

Gielddahoavdda virgi biddjojuvvui ohcan láhkai 22.6.2023. Virggi ohcanáigi nohká 3.8.2023 dii. 15.00. Ohcanalmmuhus lea almmustahtton gieldda virggálaš gulahusaid almmuhantávvala lassin gieldda www-siidduin, Inarilainen-aviissas ja Kuntarekry.fi ja Mol.fi bálvalusain.

Ohcanalmmuhus ja ohcamušáššegirjiid kopiiat doaimmahuvvojit gielddaráđdehusa lahttuide siidomateriálan ovdal čoahkkima. Álgoálgosaš ohcamušáššegirjiit leat buot buohkanassii oaidninláhka čoahkkimis.

Evttohus:

Gielddaráđdehus mearrida, geaid dat bovde jearahallamii ja jearahallamiid áiggi. Gielddaráđdehus addá vs. gielddahovdii vuoigatvuođa soahpat jearahallamiid geavatlaš ordnemiid birra ovtta jearahallamii bovdejuvvon olbmuiquin. Jearahallamiidda sáhttet searvat buot gielddaráđdehusa ja váldostivrra lahttut.

Mearrádus:

Gielddahoavda gávnnašii, ahte mearreáiggi rádjai bohte 10 ohcamuša. Gielddastivra manai čađa ohcamušáššebáhpáriid. Ohcciin oassi ii deavdán virgái ásahuvvon gelbbolašvuodaeavttuid.

Beavdegirji dárkkisteaddjit:

Gielddaráđdehus	§ 95	05.06.2023
Váldostivra	§ 30	21.06.2023
Gielddaráđdehus	§ 124	09.08.2023
Gielddaráđdehus	§ 136	09.10.2023

Ilmari Tapiola evttohii, ahte ohcanáigi jotkojuvvo ja ovddit ohccit váldojuvvojit vuhtii ohcanmeannudeamis. Marjatta Kordelin ja Veikko Porsanger guottiheigga Ilmari Tapiola evttohusa.

Go čoahkkimis lei dahkkojuvvon gielddaráđdehusa vuođđoevttohusas spiehkaseaddji guottihuvvon evttohus, čađahuvvui nammačuorvunjienasteapmi, mas JUO lei gielddaráđdehusa vuođđoevttohus ja II Ilmari Tapiola guottihuvvon evttohus ohcanáiggi joatkimis. Jienastanortnet dohkkehuvvui. Jienat addojuvvojedje oktiibuot 6 stuhka, main JUO jienat 0 stuhka, ja II jienat 6 stuhka (Väinö Guttorm, Vesa Länsman, Marjatta Kordelin, Ilmari Tapiola, Veikko Porsanger, Aslak Holmberg). Jienastusa vuođul gielddaráđdehus mearridii ovttajienalaččat joatkit virggi ohcanáiggi.

Gielddaráđdehus mearridii, ahte ohcanáigi jotkojuvvo 29.9.2023 dii. 15.00 rádjai, ovddit ohccit váldojuvvojit vuhtii ohcanmeannudeamis.

Gr 09.10.2023 § 136

Gielddahoavdda virggi jotkojuvvon ohcanáigi nogai 29.9.2023 dii. 15.00. Mearreáigái bohte 32 ohcamuša. Dáid lassin virgái addojuvvui okta miehtan. Ohcanalmmuhus ja ohcamušáššegirjiid kopijiat doaimmahuvvojit gielddaráđdehusa lahttuide siidomateriálan ovdal čoahkkima. Álgoálgosaš ohcamušáššegirjiit leat buot buohkanassii oaidninláhka čoahkkimis.

Evttohus:

Gielddaráđdehus dárkkista ohcamušáššebáhpáriid ja mearrida joatkkadoaimmaid.

Čoahkkimis addojuvvon áššemeannudeaddji evttohus:

Gielddaráđdehus bovde jearahallamii buot virggálaš gelbbolašvuoda deavdi ohcciid; Maarit Heinonen, Sami Jalonen, Jarkko Antero, Marjut Ahola, Pekka Heikkinen ja Päivi Kontio.

Mearrádus:

Vesa Länsman evttohii, ahte gielddaráđdehus ii jearahala ohcciid. Gielddaráđdehusa lahttut leat veardádaddan ohcciid ohcamušaid vuođul ja evttoha váldostivrii, ahte gielddahoavdda virgái välljejuvvo Päivi Kontio. Marjatta Kordelin, Ilmari Tapiola ja Laura Niittyvuopio-Valle guottihedje Vesa Länsmana evttohusa.

Beavdegirji dárkkisteaddjit:

Gielddaráđđehus	§ 95	05.06.2023
Váldostivra	§ 30	21.06.2023
Gielddaráđđehus	§ 124	09.08.2023
Gielddaráđđehus	§ 136	09.10.2023

Go čoahkkimis lei dahkkojuvvon gielddaráđđehusa vuodđoevttohusas spiehkaseaddji guottihuvvon evttohus, de ságadoalli evttohii, ahte čađahuvvo nammačuorvunjienasteapmi, mas JUO lei gielddahoavdda evttohus ja II Vesa Länsmana guottihuvvon evttohus. Jienastanortnet dohkkehuvvui. Jienat addojuvvojedje oktiibuot 7 stuhka, main JUO jienat 3 stuhka (Väinö Guttorm, Riikka Rasmussen, Veikko Porsanger) , ja II jienat 4 stuhka (Vesa Länsman, Marjatta Kordelin, Laura Niittyvuopio-Valle, Ilmari Tapiola). Jienasteami vuodul gielddaráđđehus mearridii evttohit váldostivrii, ahte gielddahoavdda virgái välljejuvvo Päivi Kontio.

Gielddahoavda guđii sierra oaivila mearrádusas. Vuoduštussan son buvttii ovdan, ahte buorre hálddašeapmi livččii lean jearahallat buot virggálaš gelbbolašvuoda deavdi ohcciid.

Vesa Länsman guđii čoahkkima dii. 15.00 mearrádusdahkama maŋŋá.

Boddu dii. 15.00-15.15. Bottu maŋŋá ságadoalli gávnnahii, ahte buohkat lahtut, geat ledje mielde álgoálgosaš nammačuorvumis, ledje ain mielde čoahkkimis earret Vesa Länsman.

Gieldda boahtovearroproseantta nannen jahkái 2024

191/02.03.00/2013

Gr 09.10.2023 § 137

Gieldalága 111 § mielde váldostivra galgá mearridit gieldda boahtovearroproseanttaid, giddodatvearroproseanttaid ja eará vearuid vuoduštusaid manimustá bušeahta dohkkeheami oktavuodas. Čuovvovaš jagi vearroproseanttaid galgá almmuhit vearrohálldahussii manimustá skábmamánu 17. beaivve. Jagi 2024 boahtovearroproseanta almmuhuvvo proseantaovttadaga čuođátoasi dárkilvuodain.

Nannán-Suoma gielddaid boahtovearroproseanttat leat sodeođastusa dihte spiehkaseaddji vugiin jagi 2023 meroštallojuvvon proseantta čuođátoasi dárkilvuodain ja daid nubbi desimála lea 1 dahje 6. Gielddaid boahtovearroproseanttaid jahkái 2024 galgá meroštallat proseantta logádasa dárkilvuodain.

Jagi 2023 boahtovearru Ohcejogas lea 8,36 proseantta. Árvvoštallamiid mielde boahtovearru jahkái 2023 čoggo sullii 1.625.000 euro.

Evttohus:

Gielddaráđdehus evttoha váldostivrii, ahte dat nanne jagi 2024 boahtovearrun 8,4 proseantta.

Mearrádus:

Ilmari Tapiola evttohii, ahte boahtovearru bajiduvvo 9,0 prosentii. Marjatta Kordelin guottihii Ilmari Tapiola evttohusa.

Go čoahkkimis lei dahkkojuvvon áššemeannudeaddji evttohusas spiehkaseaddji guottihuvvon evttohus, de ságadoalli evttohii, ahte čađahuvvo nammačuorvunjienasteapmi, mas JUO lei gielddahoavdda evttohus ja II Ilmari Tapiola guottihuvvon evttohus. Jienastanortnet dohkkehuvvui. Jienat addojuvvojedje oktiibuot 6 stuhka, main JUO jienat 3 stuhka (Väinö Guttorm, Riikka Rasmussen, Veikko Porsanger) , ja II jienat 3 stuhka (Marjatta Kordelin, Laura Niittyvuopio-Valle, Ilmari Tapiola). Go ságadoalli jietna čovddii jienasteami bohtosa, de gielddaráđdehus mearridii evttohit váldostivrii, ahte jagi 2024 boahtovearrun nannejuvvo 8,4 proseantta.

Juohkin

Váldostivra

Giddodatvearu nannen jahkái 2024

192/02.03.00/2013

Gr 09.10.2023 § 138

Giddodatvearrolága 11 § mielde váldostivra mearrida gieldda giddodatvearroproseanttaid sturrodaga lágas mearriduvvon molsašuddangaskka rájáid siste ja čuođátoasi dárkilvuodain jahkásaččat ovddalgihtii seammás, go dat nanne vea ruhanmeannudanlága mielde váriiddikšunjagi boahtovearroproseantta.

Jagi 2024 giddodatvearu badje- ja vuolleráját leat dát:

	Min. %	Max. %	Ohcejogas j. 2023	gaskaárvu Lappi leanas
Dábálaš giddodatvearru	0,93	2,00	1,25	1,30
Eanavuođu giddodatvearru	1,30	2,00	-	-
Fásta ássanvistti gv	0,41	1,00	0,65	0,53
Eará ássanvisttiid gv	0,93	2,00	1,60	1,26

Fápmorusttegiid	0,93	3,10	-
Huksekeahtes huksensadji	2,00	6,00	2,00

Rádjeárvvuin giddodatvearu boahu lea dát:

	Vearuhanárvu €	Min% €	Max% €
Dábálaš giddodatvearru	19.677.892,00	183.004,40	393.557,84
Eanavuođu giddodatvearru	9.791.580,00	127.290,54	195.831,60
Fásta ássanvistti gv	28.723.129,00	117.764,83	287.231,29
Eará ássanvisttiid gv	14.424.668,00	134.149,41	288.493,36
Huksekeahtes huksensadji	39.706,00	794,12	2.382,36
Oktiibuot €	72.656.975,00	563.003,30	1167.496,45

Giddodatvearu mearri jagi 2022 lei 659.321 euro. Árvvoštallamiid mielde giddodatvearru jahkái 2023 čoggo sullii 750.000 euro.

Evttohus:

Gielddaráđđehus evttoha váldostivrii jagi 2024 giddodatvearroproseanttaid ná:

Dábálaš giddodatvearru 1,30
Eanavuođu giddodatvearru 1,30
Fásta ássanvistti giddodatvearru 0,65
Eará ássanviesuid gv 1,60
Huksekeahtes huksensadji 2,00

Mearrádus:

Ilmari Tapiola evttohii, ahte huksekeahtes huksensaji giddodatvearproseanta bajiduvvo. Evttohus ii guottihuvvon.

Evttohus dohkkehuvvui.

Juohkin

Váldostivra

Eretcealkin gieldda luohttámušdoaimmain, Eeva Jaatinen

63/00.02.00/2021

Gr 09.10.2023 § 139

Eeva Jaatinen lea 4.8.2023 almmuhan, ahte cealká iežas eret gieldda luohttámušdoaimmain. Eeva Jaatinen lea áirras, gielddaráđđehusa várrelahttu, bolesa ráđđádallangotti várrelahttu, johtolatdorvvolašvuodabargojoavkku lahttu ja Ohcejoga ráđđádallangotti várrelahttu (Rauna Guttorm aitosaš).

Evttohus:

Gielddaráđđehus evttoha váldostivrii, ahte

- váldostivra miediha Eeva Jaatisii earu gieldda luohttámušdoaimmain,
- váldostivra čađaha gielddaráđđehusa várrelahtu, bolesa ráđđádallangotti várrelahtu ja Ohcejoga ráđđádallangotti várrelahtu válgga ja nammada johtolatdorvvolašvuodabargojoavkku lahtu:

Dasa lassin gielddaráđđehus evttoha váldostivrii, ahte dat gávnnaha Suoma Guovddášbellodaga ja Suoma Ruottelaš Álbmotbellodaga válgalihtu várreáirasiid bovdennortnega:

1. Halonen Markku
2. Wargh Kirsi-Marja
3. Nousuniemi Jouni
4. Halonen Leevi
5. Länsman Arvi
6. Suomenrinne Jari

Mearrádus:

Evttohus dohkkehuvvui.

Juohkin

Váldostivra

Eretcealkin gieldda luohttámušdoaimmain, Antti Jaatinen

63/00.02.00/2021

Gr 09.10.2023 § 140

Antti Jaatinen lea 4.8.2023 almmuhan, ahte cealká iežas eret gieldda luohttámušdoaimmain. Antti Jaatinen lea guovddášválgalávdegotti várrelahttu.

Evttohus:

Gielddaráđdehus evttoha váldostivrii, ahte váldostivra miediha Antti Jaatisii earu gieldda luohttámušdoaimmain, váldostivra čađaha guovddášválgalávdegotti várrelahtu válgga.

Mearrádus:

Evttohus dohkkehuvvui.

Juohkin

Váldostivra

Eretcealkin gieldda luohttámušdoaimmain, Leevi Halonen

63/00.02.00/2021

Gr 09.10.2023 § 141

Leevi Halonen lea 18.7.2023 almmuhan, ahte cealká iežas eret gieldda luohttámušdoaimmain. Leevi Halonen lea čuvgehuslávdegotti ságadoalli ja várreáirras.

Evttohus:

Gielddaráđdehus evttoha váldostivrii, ahte váldostivra miediha Leevi Halosii earu gieldda luohttámušdoaimmain, váldostivra čađaha čuvgehuslávdegotti ságadoalli válgga.

Dasa lassin gielddaráđdehus evttoha váldostivrii, ahte dat gávnnaha Suoma Guovddášbellodaga ja Suoma Ruottelaš Álbmotbellodaga válgalihtu várreáirasiid bovdennortnega:

1. Halonen Markku
2. Wargh Kirsi-Marja
3. Nousuniemi Jouni
4. Länsman Arvi
5. Suomenrinne Jari
6. Halonen Netta

Mearrádus:

Evttohus dohkkehuvvui.

Juohkin

Váldostivra

Gielddaráđdehus	§ 117	21.06.2021
Váldostivra	§ 58	23.08.2021
Gielddaráđdehus	§ 142	09.10.2023

Davvi-Lappi guovlooktasašbarggu gielddaidovttastumi ovtastupmečoahkkima ovddasteaddjiid válga

40/00.00.01/2021

Gr 21.06.2021 § 117

Soađegili, Anára ja Ohcejoga gielda hábmejít Davvi-Lappi guovlooktasašbarggu gielddaidovttastumi. Dan alimus mearrideaddji orgána lea ovtastupmečoahkkin, mas leat guokte Ohcejoga gieldda ovddasteaddji. Ovddasteaddjiin nubbi galgá leat váldostivrra ságadoalli. Namahusain berre váldit vuhtii dásseárvoperspektiivva sihke fásta ovddasteaddjiid ja várrelahtuid dáfus.

Gielddaidovttastumi stivra čohkiida ovtastupmečoahkkimii välljejuvvon ovddasteaddjiin.

Bargováljagoddin doibmet lahttogielddaid gielddahoavddat, geat válmmaštallet mearrádusevttohusaid ovtastupmestivrii ja ovtastupmečoahkkimii ovtas gielddaidovttastumi ovddidanhoavddain.

Evttohus:

Váldostivra čađaha ovtta ovddasteaddji ja guovtti persovnnalaš várreovddasteaddji válgga gielddaidovttastumi ovtastupmečoahkkimii váldostivrra doaibmabaji áigodahkii.

Mearrádus:

Evttohus dohkkehuvvui.

Váld 23.08.2021 § 58

Evttohus:

Váldostivra čađaha ovtta ovddasteaddji ja guovtti persovnnalaš várreovddasteaddji válgga gielddaidovttastumi ovtastupmečoahkkimii váldostivrra doaibmabaji áigodahkii.

Mearrádus:

Váldostivra nannii Davvi-Lappi guovlooktasašbarggu gielddaidovttastumi ovtastupmečoahkkima ovddasteaddjiid válgga ná:

Lahttu
Tapiola Uula

Várrelahttu
Niittyvuopio-Valle Laura

Gielddaráđđehus	§ 117	21.06.2021
Váldostivra	§ 58	23.08.2021
Gielddaráđđehus	§ 142	09.10.2023

Kordelin Marjatta

Lukkari Sammol

Gr 09.10.2023 § 142

Davvi-Lappi guovlooktasašbarggu gielddaidovttastumi vuoddošiehtadusa mielde Ohcejoga gieldda ovtastupmečoahkkima ovddasteaddji galgá leat váldostivrra ságadoalli. Váldostivra lea 21.6.2023 § 31 válljen Arto Pohjanrinne váldostivrra vuosttas ságadoallin.

Evttohus:

Gielddaráđđehus evttoha váldostivrii, ahte dat nanne Davvi-Lappi guovlooktasašbarggu gielddaidovttastumi aitosaš ovtastupmečoahkkima ovddasteaddjin Arto Pohjanrinne Uula Tapiola sadjái. Muđui ovddit välljejumit bissot seammán.

Mearrádus:

Evttohus dohkkehuvvui.

Juohkin

Váldostivra

Presideanttaválggaid ovdajienastanbáikkiid meari, báikkiid ja rabasáiggiid mearrideapmi

50/00.00.00/2023

Gr 09.10.2023 § 143

Gielddat, main eai leat poastakantuvrrat, sáhttet lágidity ovdajienasteami iežaset doaimmahagain ja eará doaibmabáikkiin, mat leat ovdamearkka dihte gielddadállu, girjerádjju, skuvllat ja oktasašbálvalanbáikkiit, dahje nu, ahte dat háhket bálvalusa eará luohtehahtti oassebealis.

Presideanttaválggaid ovdajienasteapmi doaimmahuvvo 17.-23.1.2024 árgabeivviid dii. 8.00-20.00 ja lávvardagaid ja sotnabeivviid dii. 10.00-16.00. Vejolaš nuppi válgga ovdajienasteapmi doaimmahuvvo 31.1.-6.2.2024. Válgalága mielde gielddaráđdehus mearrida ovdajienasteami ollašuhttimis.

Evttohus:

Gielddaráđdehus mearrida, ahte ovdajienastanbáikkiit leat gielddas golbma ja dat leat rabas čuovvovaš láhkai:

Gielddadállu

Váldostivrasále

99980 Ohcejohka

tel. 040 188 6111

17.1.2024 dii. 12.00-17.00 (31.1.2024 dii. 12.00-17.00)

18.1.2024 dii. 12.00-17.00 (1.2.2024 dii. 12.00-17.00)

23.1.2024 dii. 10.00-14.00 (6.2.2024 dii. 10.00-14.00)

Gáregasnjárgga mánggadoaimmadállu

Mánggadoaimmalatnja

99950 Gáregasnjárga

tel. 040 188 6111

19.1.2024 dii. 15.00-19.00 (2.2.2024 dii. 15.00-19.00)

20.1.2024 dii. 10.00-14.00 (3.2.2024 dii. 10.00-14.00)

Njuorggáma mánggadoaimmadállu

Mánggadoaimmalatnja

99990 Njuorggán

tel. 040 188 6111

22.1.2024 dii. 15.00-19.00 (5.2.2024 dii. 15.00-19.00)

Ovdajienasteapmi lágádusas ja ruoktojenasteapmi doaimmahuvvojit áigge, mii almmuhuvvo manjelabbos.

Mearrádus:

Evttohus dohkkehuvvui.

Juohkin

Guovddášválgalávdegoddi

Presideanttaválggaid jienastanguovlluid válgabeaivvi jienastanbáikkid

50/00.00.00/2023

Gr 09.10.2023 § 144

Gielddaráđđehus galgá áiggil mearridit jienastanguovlluid válgabeaivvi jienastanbáikkiid. Jienastanguovlojuohku ii leat nuppástuhtton ovddit válggaid manjá, nu ahte gielda lea juhkkon golbman jienastanguovlun.

Evttohus:

Gielddaráđđehus mearrida, ahte jagi 2024 válggaid válgabeaivvi jienastanbáikkid leat ovddit válggaid láhkai čuovvovaččat:

Jienastanguovlu 002 Vuovdaguoika
Gáregasnjárgga mánggadoaimmadállu
99950 Gáregasnjárga

Jienastanguovlu 003 Girkosiida VV-jienastanguovlu
Gielddadállu
Luossa 1 a
99980 Ohcejohka

Jienastanguovlu 004 Njuorggán
Njuorggáma mánggadoaimmadállu
99990 Njuorggán

Ohcejoga gieldda guovddášválgalávdegotti oktavuodádieđut leat:

Ohcejoga gieldda guovddášválgalávdegoddi	
Uksačujuhus:	Poastačujuhus:
Gielddadállu	PL 41
Luossa 1 a	99981 Ohcejohka
99980 Ohcejohka	
tel. 040-188 6111	

Mearrádus:

Evttohus dohkkehuvvui.

Juohkin

Guovddášválgalávdegoddi

Gielddaráđdehus
Gielddaráđdehus

§ 116
§ 145

05.06.2023
09.10.2023

Davvi- ja Nuorta-Lappi barggolašvuodaguovllu ovttasbargošiehtadus almmolaš bargofápmobálvalusaid lágideapmái ja barggolašvuodabálvalusaid ordnenplána

Gr 05.06.2023 § 116

Čilgehus

Dásseválddi presideanta nannii 23.3.2023 láhkapáhka almmolaš bargofápmo- ja fitnodatbálvalusaid ođđasitlágideamis. Stáhta BE-bálvalusat sirdojuvvojit gielddaid lágidanovddasvástádussan jagi 2025 álggu rájes.

BE-2024-ođastus riikkaviidosaš válmmaštallanáigeplána mielde gielddaid oktasašdoaibmašiehtadusat barggolašvuodaguovlluid dáfus dahje mearrádusat iehčanas lágideamis ja maid plánat bargofápmobálvalusaid lágideamis galget leat bargo- ja ealáhusministerijjas manimustá golggoimánu 2023 loahpas. Oktasašdoaibmašiehtadusaid galgá mearridit váldostivradásis, muhto mearrádusain ii dárbbas leat doaimmahanáigge vel lágafápmu.

BE-bálvalusat sirdojuvvojit gildii dahje mángga gieldda oktasašdoaibmanguvlui, man bargofápmu mearri galgá leat unnimustá 20 000 olbmo. Oktasašdoaibmanguovlluid hábmemis galgá lassin váldit vuhtii geográfalaš oktavuoda, barggus johtima, gielalaš vuoigatvuodaid ollašuvvama ja resurssaid reahkkáma. Eiseváldái gullevaš doaibmanválddi geavaha gieldalága mielde oassebealli, mas lea ordnenovddasvástádus nappo oktasašdoaimmas ordnejuvvon bálvalusaid dáfus vástugielda dahje gieldaovttastupmi. Lága mielde dás sáhtá šiehtadit maid eará láhkai nappo doaibmanválddi sáhtá ovttaskas bargguin addit oktasašdoaibmašiehtadusa lahttogildii, mii spiehkasta gieldalága njuolggadusain. Barggolašvuodaguovlu sáhtá šiehtadit eiseváldái gullevaš doaibmanválddi sirdimis nuppi barggolašvuodaguovlui.

Barggolašvuodaguovllut sáhttet ordnet ovttas oasi bálvalusain, ovdamearkka dihte háhkamiid, vierrogielagiid bálvalusaid, oasi fitnodatbálvalusain, hálldahuslaš bargguid. Dađi mielde go válmmaštallan ovdána, de čielggaduvvojit dat bálvalusat, maid gánneha ordnet ovttas eanagotti viidodagas dahje dušše dihto gielddain.

Lága mielde ordnengielda guoddá ovddasvástádusa barggolašvuodaguovllu ruhtadeami čoaggimis oassálastigiieldain, bálvalusaid buvttadeamis olles guovllu dáfus ja šiehtadusaide vuodđuduvvi bálvalusfálaldagas juohke gielddain sierra.

Barggolašvuodaguovločielggadus
Soađegili gielda ráhkadahtii čakčat 2022 ovdačielggadusa ordnen- ja barggolašvuodaguovlluid molssaeavttuin Lappis. Čielggadus

geahčadii buot eará Lappi gielddaid, earret Roavvenjárgga ja Mearra-Lappi gielddaid. Ovdačielggadus geahčadii barggolašvuodaguovllu molssaeavttuid statistihkalaččat lágidankritearaid, ruhtadeami ja personáššehasaid ja bálvalusaid geahčanguovllus. Diehtu ovdanbuktojuvvui Lappi gielddaide oktasaš dilálašvuodain.

Ovdačielggadusa vuodul Soađegili gielda bivddii njukčamánu 2023 eará gielddain mearrádusa das, álgetgo dat plánet oktasaš barggolašvuodaguovllu. Almmuheapmi guoskkai ovttasbarggu ja bargogoluid juohkima plána čállima vuodđun. Soađegili gieldda lassín barggolašvuodaguovllu plánemii oassálaste Kemijärvi gávpot, Anára, Kolari, Pelkosenniemi, Posio, Salla, Savukoski ja Ohcejoga gielddat.

Gávpogiid/gielddaid, mat oassálaste plánemii, bargofámu mearri lea oktiibuot 15 608 olbmo (jahki 2020) ja bargofápmoeinnostus jahkái 2035 lea 12 646 olbmo.

Barggolašvuodaguovloplána válmmastallo, nu ahte dat vástida spiehkastatlohpeohcamuša gáibádusaid. Plánas váldojit vuhtii maid eará gielddat, mat sáhttet oassálastit mielde.

Lappi barggolašvuodaguovllu (earret Roavvenjárga-Ranua ja Mearra-Lappi ja Duottar-Lappi –barggolašvuodaguovllut) hábmen ovdána čuovvovaš láhkai:
-BE-bálvalusat 2024 –ođastusa válmmaštallama áigeguovdilis áššiid geahčastat lea giedahallon oktasašbargodoaibmagottis 8.5.2023

-Gielddaid prinsihppamearrádusat oktasaš barggolašvuodaguovllus manjimustá 28.6.2023

-Plána bargofápmobálvalusaid ordnemii ja gielddaid oktasašdoaibmašiehtadusas álggahuvvo borgemánus

-Gielddaid váldostivrraid mearrádusat barggolašvuodaguovlluide oassálastimis ja plánas manjimustá čakčamánu

-31.10.2023 gielddat galget doaimmahit ministerijai oktasašdoaibmašiehtadusaid, maid vuodul barggolašvuodaguovllut ráhkaduvvojit ja álggahit 1.1.2025 doaimmaset

Evttohus:

Gielddaráđdehus mearrida, ahte Ohcejoga gielda vuolgá mielde oktasaš barggolašvuodaguovllu vuodđudeapmái.

Mearrádus:

Gielddaráđdehus
Gielddaráđdehus

§ 116
§ 145

05.06.2023
09.10.2023

Evttohus dohkkehuvvui.

Gr 09.10.2023 § 145

Almmolaš bargofápmobálvalusaid lágidanovddasvástádus sirdašuvvá bargo- ja ealáhusdoaimmahagain gielddaide 1.1.2025. Sirdimii laktáseaddji láhka bargofápmobálvalusaid lágideamis (380/2023) dohkkehuvvui riikkabeivviin 1.3.2023 ja presideanta nannii lága 23.3.2023.

Gielddaide dát mearkkaša ođđa láhkageatnegahtton bargguid, go bálvalusat sirdašuvvet gielddaide 1.1.2025. Dasa lassin sirdašuvvet sirdašuvvi bálvalusaid háhkan- ja máksinbarggut. Seammás dálá bargo- ja ealáhusdoaimmahagat heaittihuvvojit ja doaimmahagaid bargit sirdašuvvet gielddaid bargin fitnodaga luohpademiin ng. ovddeš bargin. Dálá árvvoštallama mielde Davvi- ja Nuorta-Lappi barggolašvuodaguovlui sirdašuvvet bargit ođastusa mielde sullii 27 olmmošbargojagi.

BE24-ođastussii laktása maid bargguhisvuodadoarjjaodastus, man mielde gielddaid ovddasvástádus bargguhisvuodadoarjagis viiddiduvvo dálážis. Ovttaskas gieldda ruhtadanoassi nuppástuvvá sihke meari ja bargguhisvuodaáiggi guhkkodaga mielde. Mađi guhkit áigge olbmo bargguhisvuolta bistá, de dađi stuorit oasi gártá gielda máksit ovdogolui.

BE24-ođastusa ulbmilin lea bálvalanráhkadus, mii ovddida buoremus lági mielde bargiid jođanis bargguiduvvama ja lasiha bargo- ealáhusbálvalusaid buvttadanmuni, fálaldaga, váikkuheaddjivuoda ja mánggabealatvuoda.

BE-bálvalusaid sirdin gielddaide buktá bálvalusaid lagabui áššehasaid ja bálvalusaid laktit viiddes gieldaekosystemii. Dáinna láhkai doarjut maiddá guovlluid gilvalannávccaid ja eallinfámu. Seammá áigge ođasmahttit maiddá servodahttinláhkaásaheami (KOTO24). Dát guokte ođastusa válmmaštallojit ollisvuhtan.

BE-bálvalusat sirdojuvvojit gildii dahje mángga gieldda oktasašdoaimbanguovlluide, maid bargofámu mearri galgá leat unnimustá 20 000 olbmo. Ovttaskas gielda sáhtá ordnet BE-bálvalusaid iehčanassii, jos gieldda bargofámu mearri lea unnimustá 20 000. Gielddat, mat hábmejit barggolašvuodaguovllu, galget hábmet geográfalaččat oktilaš guovllu, mas bargomárkanat ja barggus johtin doibmet.

Vástugieldamálles bálvalusaid ordnema šiehtadit barggolašvuodaguovllu gielddat ja okta gielda (vástugieldda) bargá bargofápmoeiseváldin.

Gielddaráđdehus
Gielddaráđdehus

§ 116
§ 145

05.06.2023
09.10.2023

Gieldda dahje gielddaid, mat hábmejit ovttas barggolašvuodaguovllu, galget doaimmahit váldostivrradási mearrádusa bargofápmobálvalusaid ordnengeatnegasvuodain ja pláanas bargofápmobálvalusaid ordnemii bargo- ja ealáhusministerijai mañimustá 31.10.2023. Dasa lassin doaimmahuvvo vuolláičállon šiehtadus oktasaš doaibmaorgáanas/oktasašdoaimmas ja ordnenplána ja spiehkastanlohpeohcamuš, jos ođđa barggolašvuodaguovllu bargofámu mearri lea vuollel 20 000 olbmo. Barggolašvuodaguovllut sáhttet dárkkálmuhittit ja ovddidit ordnenplánaset golggotmánu 2023 mañjáge guovllu dárbbuid mielde.

Barggolašvuodaguovllu oktasašdoaibmašiehtadus ja oktasaš doaibmaorgána

Gielddaid aitosáš válmmaštallanbargu lea álggahuvvon giđđat 2023. Kemijärvi gávpotstivra, Anára, Pelkosenniemi, Posio, Salla, Savukoski, Soađegili ja Ohcejoga gielddaráđdehusat leat dahkan prinsihppamearrádusaid oktasaš barggolašvuodaguovllu vuodđudeapmin geassemánus 2023. Barggolašvuodaguovllu gielddain ii ovttasge leat bargofápmobálvalusaid ordnemis ásahuvvon lága (380/2023) mielde vejolašvuohta ordnet bargofápmo- ja ealáhusbálvalusaid iehčanassii. Barggolašvuodaguovllu gielddaid bargofámu (18-74 jahkásaččain) mearri lea oktiibuot 13 982 olbmo jagi 2021 statistihkaid mielde. Dán dihte Davvi- ja Nuorta-Lappi gielddat ohcet bargofápmobálvalusain addojuvvon fápmuduslága (383/2023) 4 § mielde spiehkastančovdosea iežaset barggolašvuodaguovllu dáfus 1 momeantta čuoggáid 1, 3, 5 vuodul. Barggolašvuodaguovloplána válmmaštallo, nu ahte dat vástida spiehkastatlohpeohcamuša gáibádusaid.

Evttohuslisttu siidomateriálan lea oktasašdoaibmašiehtadus, man šiehtadusgielddat Anár, Kemijärvi, Pelkosenniemi, Posio, Salla, Savukoski, Soađegilli ja Ohcejohka hábmejit oktasaš barggolašvuodaguovllu, mii gohčoduvvo Davvi- ja Nuorta-Lappi barggolašvuodaguovlun. Válmmaštallan lea dahkkon vástugieldamálla mielde. Šiehtadussii gullevaš bargguid divššodettiin Soađegili gielda doaibmá vástugieldan giieldalága (410/2015) 51 § mielde. Ordnenovddasvástádus vástida ordnema giieldalága 8 § mielde. Dat mas lea ovddasvástádus, vástida barggolašvuodaguovllus bargofápmobálvalusaid ordnemis addojuvvon lágas (380/2023) dárkkuhuvvon bargguid. Lágas dárkkuhuvvon almmolaš bargofápmobálvalussan ordnejuvvojit: 1) bargogaskkusteami bálvalusat; 2) diehto-, rávven- ja bagadallanbálvalusat; 3) válbmen; 4) bargofápmoskuvlejupmi; 5) nuppástusdorvoskuvlejupmi.

Almmolaš bargofápmobálvalusaide gullet maiddá personáššehasa bálvalanprosessii gullevaš áššedovdiárvoštallamat, ovdalis namuhuvvon bargoiskkadeamit, bargguhisvuodaovdduin dorjojuvvon bargoohcci eaktodáhtolaš studeren ja lassin doarjagat ja buhtadusat, mat juolluduvvojit bargoaddái ja personáššehassii. Almmolaš bargofápmobálvalusaid ordnen vuodđuduvvá ealahusdoaimma ja bargomárkaniid dárbbuide, nuppástusaid vuhtiiváldimii ovddalgihtii ja áššehasaid bálvalandárbbuide.

Gielddaid oktasaš barggolašvuodabálvalusaid ordnema doaibmaorgánan doaimmai Soađegili gielddaráđdehussii gullevaš Davvi- ja Nuorta-Lappi barggolašvuodaguovlojuogus, mii doaibmá bargofápmoeiseváldin. Soađegili ja Anára gielddat ja Kemijärvi gávpot nammadit doaibmaorgánii iešguhtege 2 lahtu ja Ohcejohka, Savukoski, Salla, Pelkosenniemi ja Posio iešguhtege ovttá lahtu. Guđege lahtus lea persovnnalaš várrelahttu. Doaibmaorgána ságadoallin bargá vástugieldda ovddasteaddji, gean vállje Soađegili váldostivra. Várreságadoalli nammada vuorustis guovtti jagi gaskkaid eará šiehtadusgielddaid johtti alfabehtalaš ortnegis. Doaibmaorgána doaibmabadji lea váldostivrabadji. Doaibmaorgána doaimmaide heivehit vástugieldda stivrennjuolggadusaid, ja dárkilabbot doaibmaválldi birra mearriduvvo vástugieldda doaibmaválldi bargojuohkologahallamis, mii dárkkálmuhttá stivrennjuolggadusa. Jos Soađegili gielda nuppástuhtá stivrennjuolggadusa dahje bargojuohkologahallama oktasašdoaibmašiehtadusa bargguid ektui, de galgá vástugieldda gullat eará šiehtadusgielddaid ovdal nuppástuhttima. Eará soahpamušgielddat sirdet ordnenovddasvástádusaset oktasaš doaibmaorgánii. Šiehtadusgielddat vuodđudit oktasaš stivrenjoavkku.

Soađegili gielda čujuha Davvi- ja Nuorta-Lappi barggolašvuodaguovllu Soađegili bálvalanbáikki bargofápmobálvalusaide doaimmahatsaji. Ohcejoga gielda čujuha Ohcejoga doaibmasadjái doaibmalanjaid.

Barggolašvuodaguovlojuhkosa barggut leat govviduvvon ovttasbargošiehtadusas.

Oktasašdoaibmaguovllu ruhtadeapmi ja ekonomii

Bargofápmobálvalusaid ordnema ja eará láhkageatnegahtton bargofápmobálvalusbargguid dihte gielddaide šaddá ođđa stáhtaossodatbargu. Sirdašuvvi ollisvuoda sáhtá juohkit guovtti oassái: sirdašuvvi bargofápmobálvalussan ja giktalusmállen dahjege lassáneaddji bargguhisvuodaovdogollun.

Sirdašuvvi bargofápmobálvalusaid dáfus oppalašgokčevaš stáhtaossodagat máksojuvvojit gieldda bargoahkásaš veahkadaga

Gielddaráđdehus
Gielddaráđdehus

§ 116
§ 145

05.06.2023
09.10.2023

(18-64-jahkásaččat) ja bargguhemiid meari vuodul. Bargguhemiid mearri rehkenasto viiddes bargguhisvuoda mielde, ja dalle dasa rehkenastojit maidái bargofápmobálvalusaid ollái gullelaš bargguheamit ja bargit, geat barget bálkádorjagiin. Dáid ođđa stáhtaossodatkrítearaid lassin vierrogielagiid vuodul čujuhit ruhtadeami, mii vástida bargguhemiid servodahttinskuvlema goluid.

Ođđa Davvi- ja Nuorta-Lappi barggolašvuodaguovllu bušeahta vuolggasadjin lea stáhtaossodatlasáhus, man gielddat ožžot bargofápmobálvalusaide. Bargo- ja ealáhusministeriija dieđuid mielde barggolašvuodaguovllu bušeahttaárvalus lea 4,4 miljovna euro. BE-bálvalusaid sirdima ulbmilin lea golloneutrálavuhta.

Oktasašdoaibmašiehtadusa mielde šiehtadusgielddat dorvvastit barggolašvuodabálvalusaid láhkageatnegahtton bargguide doarvái ruhtadeami ovtaveardásaš vugiin gieldalága 8 § 3 momeantta mielde. Ruhtadeami mearis ja bušeahttaárvalusa čállimis válđojit vuhtii maid ovddasvástádus ja eará gielddaid ekonomalaš dilli ja barggolašvuodaguovllu oktasaš figgamušásaheapmi. Oktasašdoaibmaguovllu ekonomii ja várás vástugiella vuodđuda sierra gollobáikki, mii vástida oktasaččat buvttaduvvon barggolašvuodabálvalusaid. Buot bálvalusaid ordnema, buvttadeami ja organiserema njuolggo- ja eahpenjuolggogolut, ovdamearkka dihte bargiidgolut, máksojuvvon veahkkeruđat, bálvalusháhkamat ja hálddahusgolut, merkejuvvojit dán gollobáikái. Bargguhisvuodadorvvu goluid gielddat vástidit ieža, eaige dat sirdašuva barggolašvuodaguovllu bušehtti.

Barggolašvuodaguovllu nettogolut juhkkajit, nu ahte goluin 50 % čujuhuvvojit šiehtadusgielddaide 18-64 –jahkásaččaid goralaš osiid vuodul ja 50 % fas šiehtadusgielddaid bargguhemiid (viiddes mearkkašumis) goralaš osiid vuodul. Goralaš oasit mearrašuvvet 18-64 –jahkásaččaid ja bargguhemiid oktasašmeari vuodul. Rehkenastima statistihkat vuodđuduvvet rehkenastindahkkiide, maid stáhtaruhtaministeriija lea nannen gielddaid vuodđobálvalusaid stáhtaossodagain.

Bušeahttaárvalus čállojuvvo jahki ovdal bušeahttaárvalusjagi vástugiella bušeahttaárvalusproseassa ja prinsihpaid mielde. Šiehtadusgielddat galget addit iežaset cealkámušaid bušeahttaárvalusas ovdal dan dohkkeheami, goittotge manjimustá 30.9.

Vástugiella vástida bargofápmobálvalusaid sirdima válmmaštallama, mas čállo sierra bušeahttaárvalus. Šiehtadusgielddain bivdojit cealkámušat bušeahttaárvalusas. Válmmaštallama nettogolut berrojit šiehtadusgielddain goluin juohkinmálle (šiehtadusa čuokkis 8.3.) mielde.

Bálvalusaid ordnenplána

Ođđa Davvi- ja Nuorta-Lappi barggolašvuodaguovllu ordnenplána lea áššegirji, mii dárkkálmuhhto muttuid mielde. Das govviduvvo bálvalusbuvttadeami ordnenvuohki barggolašvuodaguovllus. Bálvalusaid galgá plánet ja ollašuhttit sihke sisdoaluid, kvalitehta ja viiddesvuoda dáfus dakkárin, go áššehasaid bálvalusdárbu geatnegahtá.

Almmolaš bargofápmobálvalusat fálojit bálvalussan, maid áššehasat geavahit iehčanassii ja bálvalussan, mii lea persovnnalaš. Mo áššehas geavaha bálvalusa ja mo son ja bargofápmoeiseváldi gulahallaba, mearrašuvvá bargofápmobálvalusaid ordnemis ásahuvvon lága ja árvvoštallon bálvalusdárbbu mielde.

BE-ođastusa mielde Davvi- ja Nuorta-Lappi gielddaid barggolašvuoda lagasbálvalusat nannejuvvojit. Doaibmabáikkiid sajáiduhttimis ja bargiidmearis váldojit vuhtii barggolašvuodaguovllu guhkes gaskkat ja mátkkit giellaguovddážiid gaskkas. Lagasbálvalusain šaddet gielddaide gullelaš bálvalanbáikkid, main barget barggolašvuodaguovllu bargit ja gielddaid barggolašvuoda- ja ealáhusbargit. Barggolašvuodaguovllu buot bargit fálet lagasbálvalusaid lassin maid olles guovllu áššehasaid dárbbuid mielde gáiddusbálvalusaid. Sámegielagiid erenomášsajádat váldojuvvo vuhtii bálvalusaid olahtativuoda geahčanguovllus.

Dárkilut bálvalusplánen ja bargiid- ja ekonomiiaplánen álggahuvvojit čavčča 2023 ja giđa 2024 áigge, go stáhta dárkkálmuhhtá dieđuid sirdášuvvi bargiid, šiehtadusaid ja stáhtaossodatrehkenastimiid.

Guovlluidrasttildeaddji ovttasbargu

Dál Lappis válmmastallojit njeallje iešguđet barggolašvuodaguovllu, main guovttis ohcaba spiehkastatlobi. Roavvenjárgga gávpot lea almmuhan, ahte dárbbu mielde dat sáhtá buvttadit šiehtadusa mielde bálvalusaid maid eará barggolašvuodaguovlluide. Lappi lihtu BE24-koordinerenprošeavttas čielggadit čavčča áigge, guđelágan bálvalusaid lea dárbu buvttadit barggolašvuodaguovlluid gaskka.

Gielddaráđdehussii doaimmahuvvon siidomateriálain leat Davvi- ja Nuorta-Lappi barggolašvuodaguovllu oktasašdoaibmašiehtadusa hámus ja ordnenplána.

Evttohus:

Gielddaráđdehus mearrida evttohit váldostivrii, ahte dat

1. vuodđuda bargofápmobálvalusaid ordnemii oktasašdoaimmaguovllu, Davvi- ja Nuorta-Lappi barggolašvuodaguovllu, ovtas eará šiehtadusgielddaiguin.
2. dohkkeha dan, ahte Soađegili gieldda lea barggolašvuodaguovllu vástugieldda ja bargofápmoeiseváldi, mas lea bálvalusaid ordnengeatnegasvuohta Davvi- ja Nuorta-Lappi barggolašvuodaguovllus 1.1.2025.
3. dohkkeha evttohuslisttu siidomateriála, mii lea oktasašdoaimmaevttohusa hámus ja dan mildosat BE-bálvalusaid ordnemis Davvi- ja Nuorta-Lappi barggolašvuodaguovllus.
4. dohkkeha Davvi- ja Nuorta-Lappi barggolašvuodaguovllu ordnenplána.
5. mearrida ohcat spiehkastatlobi Davvi- ja Nuorta-Lappi barggolašvuodaguovllu vuodđudeapmin manjimustá 31.10.2023.
6. fápmuda Soađegili gieldda ovddasteaddjiid gárvet spiehkastatlohpeohcamuša loahpalaš hápmái ja doaimmahit dan bargo- ja ealáhusministerijai 31.10.rádjai. - dohkkeha, ahte fápmuda Soađegili gieldda dahkat unna teknihkalaš nuppástusaid ordnenplánii ja soahpamuššii.
7. dohkkeha, ahte gielddaráđdehusas lea manjelabbos vuoigatvuohta dohkkehit nuppástusaid Davvi- ja Nuorta-Lappi barggolašvuodaguovllu ordnenplánii.
8. dohkkeha, ahte jos šiehtadussii bohtet unna teknihkalaš nuppástusat, de dain sáhttet barggolašvuodaguovllu gielddaid ráđdehusat dahkat ovttalágán mearrádusaid.
9. fápmuda gielddahoavdda vuolláičállit oktasašdoaimmašiehtadusa.

Mearrádus:

Evttohus dohkkehuvvui.

Juohkin

Váldostivra

Cealkámušbivdda: Suoma ja Norgga gaskasaš Deanu čázádaga guolástannjuolggadusa vuolláičállin

171/00.04.00/2016

Gr 09.10.2023 § 146

Eana- ja meahccedoalloministeriija bivdá cealkámušaid hápmosis Suoma ja Norgga gaskasaš Deanu čázádaga guolástannjuolggadussan ja dan vuolláičállimis.

Stáhtaráđi oktasaščoahkkin ásahii eana- ja meahccedoalloministeriija evttohusa vuodul 20.5.2020 delegašuvnna Suoma ja Norgga gaskasaš ráđđádallamiidda Deanu guolástansoahpamuša (SopS 41 ja 42/2027) guolástannjuolggadusa (mielddusin) ođasmahttima várás. Suoma ja Norgga delegašuvnnaid gaskasaš ráđđádallamat álggahuvvojedje geassemánus 2020. Ráđđádallamat goittotge gaskkalduvve, go gehččojuvvui ahte luossanáliid dilli gáibida johtilis doaimmaid jo guolástanáigodahkii 2021. Loahppajagi 2021 ráđđádallamat joatkašuvve ja delegašuvnnat ráđđádalle 16.-17.3.2023 Helssegis, mas ráđđádallit eai goittotge vel beassan guolástannjuolggadusa buot detáljain ovttasipmárdussii. Delegašuvnnaid ságadoallit jokse dohkkehahtti čovdosa geassemánus 2023. Šiehtadusteaksta paraferijuvvui 29.6.2023.

Ođđa guolástansoahpamuša lea dárkkuhus vuolláičállit álgočavčča, vai dan sáhtášii addit riikkabeivviid gieđahallamii čakčačoahkkinbajis 2023. Dát dagašii vejolažžan guolástannjuolggadusa fápmui boahtima ovdal jagi 2024 guolástanáigodaga álggu ja dálá guolástannjuolggadusa fápmoáiggi nohkama.

Cealkámušaid leat bivdán doaimmahit manjimustá 8.9.2023. Cealkámuša válmmaštalai gielddahoavda ovttas gielddaráđdehusa lahtuiguin, ja dat addojuvvui 8.9.2023 Eana- ja meahccedoalloministeriijai.

Cealkámuš siidomateriálan.

Evttohus:

Merkejuvvui diehtun.

Mearrádus:

Merkejuvvui diehtun.

Čuvgehuslávdegoddi

§ 101

07.08.2023

Gielddaráđđehus

§ 147

09.10.2023

Ohcejoga skuvllaid áiggeájit 2023-2024

39/12.01.09/2023

Čuvlg 07.08.2023 § 101

Astoáiggedoaibma lea ožžon EJB:s (su. AVI) Áiggeáji Suoma málle veahkkeruđa 30 000 euro áiggeáji- ja riekkedoaibma ordnemii mánáide skuvlabeivviid oktavuhtii lohkanjahkái 2023-2024. Veahkkeruhta gokčá proševtta goluin eanemustá 75 % ja gieldda iežasvástuoassi galgá leat unnimustá 25 %, nappo 10 000 euro.

Proševttain leat jurddašan ordnet čuovvovaš riekkedoaibmaid:

Gáregasnjárga**Njuorggán****Ohcejohka**

Vuojadeapmi/
gorkŋodanriekkis
Dánsariiekkis
3 joavkku

Soabbeheastariiekkis
Spábbačiekčanriekkis

Akrobatiiariiekkis

Musihkkariiekkis

Musihkkačuojahanrie
kkis

Vuojadeapmi/lášmmo
hallan
Musihkkariiekkis

Vuojadeapmi/ráigesp
ábbariekkis
Badjeskuvlla
álšasáleriekkis
Speallanriekkis

Proševtta golloárvvoštallan lea 40 000 euro. Gieldda iežasvástuoassi oppa proševtta áigge lea 10 000 euro.

	Jahki 2023	Jahki 2024	Oktiibuot
Boađut	12 750 €	17 250 €	30 000 €
Golut	17 000 €	23 000 €	40 000 €
Netto	4 250 €	5 750 €	10 000 €

Ášši válmmaštallan lea áiggečáli Kaisa Tapiola-Länsman.

Evttohus:

Čuvgehuslávdegoddi evttoha gielddaráđđehussii ja ain gielddastivrii:

1. lassemearreruđa juolludeami Ohcejoga skuvllaid áiggeájit 2023-2024- prošektii válmmaštallama mielde jahkái 2023,
2. mieđiha prošektii álggahanlobi ja prošektii vuodđuduvvo gollobáiki,
3. astoáiggečáli beali mánotbaji bálkágoluid sirdima prošektii jahkái 2023 astoáiggedoaibma geavahanváriin, dáinna gokčojuvvo oassi jagi 2023 gieldda iežasvástuoasis.

Čuvgehuslávdegoddi
Gielddaráđdehus

§ 101
§ 147

07.08.2023
09.10.2023

4. jagi 2024 dáfus prošeakta váldojuvvo vuhtii bušeahta čállimis. Astoáiggečalli beali mánotbaji bálkágolut váldojuvvojit vuhtii bušeahta čállimis seamma láhkai go jagi 2023.

Mearrádus:

Mearrádus evttohusa mielde.

Gr 09.10.2023 § 147

Evttohus:

Gielddaráđdehus

1. evttoha váldostivrii lassemearreruđa Ohcejoga skuvllaid áiggeájit 2023-2024 prošeaktii válmmaštallama mielde jahkái 2023 ja astoáiggečalli beali mánotbaji bálkágoluid sirdima prošeaktii jahkái 2023 astoáiggedoaimma geavahanváriin, dáinna gokčojuvvo oassi jagi 2023 gieldda iežasvástuoasis. Jagi 2024 dáfus prošeakta váldojuvvo vuhtii bušeahta čállimis. Astoáiggečalli beali mánotbaji bálkágolut váldojuvvojit vuhtii bušeahta čállimis seamma láhkai go jagi 2023.

2. miediha prošeaktii álggahanlobi ja prošeaktii vuodđuduvvo gollobáiki.

Mearrádus:

Evttohus dohkkehuvvui.

Juohkin

Váldostivra

Čuvgehuslávdegoddi

§ 110

12.09.2023

Gielddaráđdehus

§ 148

09.10.2023

Erenomášluohkáohpaheaddji virggi vuodđudeapmi

40/01.00.00/2023

Čuvglg 12.09.2023 § 110

Ohcejoga gielddas ii leat erenomášluohkáohpaheaddji virgi. Gielddas leat guokte erenomášoahpaheaddji virggi (Ohcejotnjálbmi ja Gáregasnjárga). Erenomášoahpaheaddji ja erenomášluohkáohpaheaddji bargogovat ja gelbbolašvuodagáibádusat leat sierraláganat. Vuodđooahpahusláhka bođii fápmui 1.1.2011, ja dan mielde doarjja, man mánná dahje nuorra dárbbáša, juhkkjuvvo golmma iešguđet dássái: dábálaš, beavttálmahttojuvvon ja erenomáš.

Erenomášoahpaheaddji addá dábálaš ja beavttálmahttojuvvon doarjaga ja oasseáigásaš erenomášoahpahusa. Erenomášoahpaheaddjis eai gáibiduvvo luohkáohpaheaddji viiddes oahput, ja dán dihte su bargogovvii ii sáhte bidjat luohkáohpaheaddji ovddasvástádusaid dahje geatnegasvuodaid.

Vuodđooahpahuslága 17 §:s namuhuvvon erenomáš doarjaga erenomášoahpahus mearkkaša erenomášoahpahusa, man addá erenomášoahpaheaddji. Dušše erenomášluohkáohpaheaddji dahje ávnnasoahpaheaddji, geas lea iežas oahppoávdnasisttis erenomášoahpaheaddji gelbbolašvuohta, leaba gelbbolaččat addit erenomášoahpahusa oahppái, gii gullá erenomáš doarjaga ollái.

Jos skuvllas dárbbášuvvo smávvaajoavku, de dán joavkku galgá oahpahit erenomášluohkáohpaheaddji. Ohcejotnjálmme skuvllas leat oahppit, geain oahpahus ii lihkestuva vuodđooahpahusa dábálaš oahpahas, mas ávnnasoahpaheaddjit oahpahit ja lotnašuvvet juohke oahppodiimmu. Dárbbášuvvo smávvaajoavku, mas okta oahpaheaddji oahpaha oahppiid ja vástida sin oahpahusa.

Seamma áigge viiddes máhtu erenomášoahpaheaddji resursa ii leat doarvái vástidit Njuorggáma, Ohcejotnjálmme ja Sámelogahaga oahpahusa doarjaga dárbbu.

Gieldda ovddasvástádussan lea bearráigeahččat ja lágideit oahppiid oahpahusa nu, ahte daid oahppiid oahpahus, geat dárbbášit doarjaga, ollašuthttojuvvo lágas mearriduvvon vugiin. (Vuodđooahpahusláhka, Suoma vuodđoláhka)

Ášši válmmaštalai buresveadjinhoavda Päivi Kontio

Evttohus:

Čuvgehuslávdegoddi

§ 110

12.09.2023

Gielddaráđđehus

§ 148

09.10.2023

Čuvgehuslávdegoddi evttoha gielddaráđđehussii ja das ovddos váldostivrii, ahte Ohcejotnjálmmi skuvlla deavddekeahtes luohkáohpaheaddji virgi nuppástuhttojuvvo erenomášluohkáohpaheaddji virgin.

Mearrádus:

Mearrádus evttohusa mielde.

Gr 09.10.2023 § 148

Evttohus:

Gielddaráđđehus evttoha váldostivrii, ahte Ohcejotnjálmmi skuvlla deavddekeahtes luohkáohpaheaddji virgi nuppástuhttojuvvo erenomášluohkáohpaheaddji virgin.

Mearrádus:

Evttohus dohkkehuvvui.

Juohkin

Váldostivra

Teknikkalaš lávdegoddi	§ 30	01.03.2022
Gielddaráđdehus	§ 66	28.03.2022
Eallinfápmo- ja teknikkalaš lávdegoddi	§ 60	19.06.2023
Gielddaráđdehus	§ 149	09.10.2023

Ohcejoga gieldda bázausmáksotávssaid bajideapmi

193/09.02/2013

Teknldg 01.03.2022 § 30

Bázahusfuolahus lea masá jeavddalaččat leamašan táhpalaš. Bázahusfuolahusa goluid galggašii gokčat boađuiguin. Diibmá táhpa lei 78.000 €, go fas jagi 2020 doaimma táhpa lei 44.000 euro.

Evttohus:

Teknikkalaš lávdegoddi evttoha gielddaráđdehussii ja ain ovddos váldostivrii 10 % bajádusa bázausmáksotávssaide 1.7.2022 rájes.

Mearrádus:

Evttohus dohkkehuvvui.

Gr 28.03.2022 § 66

Bázahusmáksotáksta siidomateriálan.

Evttohus:

Gielddaráđdehus dohkkeha ja evttoha ain váldostivrra dohkkeheapmái bázausmáksotávssaid 1.7.2022 rájes teknikkalaš lávdegotti evttohusa mielde.

Mearrádus:

Giddodathoavda Markku Porsanger ovdanbuvttii ášši gielddaráđdehusa lahtuide.

Marjatta Kordelin evttohii, ahte bázaustávssa bajádus ii dohkkehuvvo, muhto ášši baicce máhcuvvo válmmaštallamii. Ráđđádallamat Lapecoin gaskkalduhttojit seammás. Seammás dárkkistit rehketbearranregistara giddodatregistardieđuid vuodul. Arto Pohjanrinne guottihii Marjatta evttohusa.

Go čoahkkimis lei dahkkojuvvon gielddaráđdehusa vuoddoevttohusas spiehkaseaddji guottihuvvon evttohus, ságadoalli evttohii, ahte čađahuvvo nammačuorvunjienastaeapmi, mas JUO lei gielddaráđdehusa evttohus ja II Marjatta Kordelina

Beavdegirjji dárkkisteaddjit:

Teknikkalaš lávdegoddi	§ 30	01.03.2022
Gielddaráđdehus	§ 66	28.03.2022
Eallinfápmo- ja teknikkalaš lávdegoddi	§ 60	19.06.2023
Gielddaráđdehus	§ 149	09.10.2023

guottihuvvon evttohus. Jienastanortnet dohkkehuvvui. Jienat addojuvvojedje oktiibuot 6 st, mas JAA jienat 0 st ja II jienat 6 st (Väinö Guttorm, Vesa Länsman, Marjatta Kordelin, Arto Pohjanrinne, Anni Ahlakorpi ja Riikka Rasmussen). Jienasteami vuodul mearrádussan šattai Marjatta Kordelina guottihuvvon evttohus.

Boddu dii. 15.35-15.45. Bottu manjá ságadoalli gávnnašii, ahte buohkat lahtut, geat ledje mielde álgoálgosaš nammačuorvumis, ledje ain mielde čoahkkimis.

Eltekldg § 60

Bázahusfievrredeami agoartaváldi távssat leat gorgnon indeaksabajádusa mielde 1.1.2023 rájes 23 %, masa eai leat bušeahttaárvalusas ráhkkanan. Dasa lassin daid bázahusaid, mat vuostáiváldojit ruovttudoaluin nuvttá, giedahallan- ja vuostáiváldingolut leat gorgnon ee. fievrredangoluid lassánan meari ja gorgnon hattiid dihte. Maiddá i ođđa bázahusláhkaodastusa ulbmilin lea geahpedit bázahusa meari ja lasihit ođđasit anu ja ávkkástallama. Šlájaset ja kvalitehtaset dáfus iešguđegelágan bázahusaid galgá šláddjet ja čoaggit sierra ođđasit ávkkástallama várás.

Ohcejoga gieldda bázahusregisttar lea beaiváduvvon dál giđa 23 áigge ja dása geavahuvvojedje oktiibuot 80 bargodiimmu. Beaivádeami oktavuođas čuožahagat registarii lasihuvvojedje 57 st, main dálá távssaid mielde šaddet vuovdinuoittut sullii 5.300 euro jagis.

Vai bázahusfuolahusa golut gokčojuvvojit bázahusfuolahusa boađuiguin, de galget bázahustávssat beaiváduvvot.

Evttohus:

Bázahusaid fievrredeami ja sierra čoaggima lassegoluid gokčamii eallinfápmo- ja teknikkalaš lávdegoddi evttoha ain gielddaráđdehussii ja váldostivrii, ahte sirdinlásten- ja ávkebázahusbáikki távssat bajiduvvojit 10 %:in 1.8.2023 rájes ja ruovttudoaluid ekomávssut 30 %:in 1.1.2024 rájes. Seammás ekomávssu namma nuppástuhtto bázahusfuolahusa vuodđomáksun.

Seammás nannet, ahte oktasaš čoagginlihtiid geavaheaddjit leat geatnegahtton máksit bázahusfuolahusa vuodđomávssu, vaikke sis ii livččege iežaset lihti.

Mearrádus:

Teknikkalaš lávdegoddi	§ 30	01.03.2022
Gielddaráđdehus	§ 66	28.03.2022
Eallinfápmo- ja teknikkalaš lávdegoddi	§ 60	19.06.2023
Gielddaráđdehus	§ 149	09.10.2023

Mika Aikio evttohii, ahte ášši guđđojuvvo beavddi ala. Anni Ahlakorpi guottihii Mika Aikio evttohusa.

Čoahkkimis čađahuvvui jienasteapmi, mas JUO joatkit ášši giedahallama ja II ášši guđđojuvvo beavddi ala. Jienat addojuvvojedje oktiibuot 8 st, mas JAA-jienat 6 st (Uula Tapiola, Urho Guttorm, Eemeli Hekkanen, Kirsi-Marja Wargh, Mika Koskenniemi, Sammol Lukkari) ja II-jienat 2 st (Mika Aikio, Anni Ahlakorpi).

Jienasteami vuodul ášši giedahallan joatkašuvai.

Go čoahkkimis eai bohtán eará evttohusat dohkkehuvvui áššemeannudeaddji evttohus.

Gr 09.10.2023 § 149

Evttohus:

Gielddaráđdehus evttohusa váldostivrii nuppástusaid Ohcejoga gieldda bázahusmáksotáksii lávdegotti evttohusa mielde:

Bázahusaid fievrredeami ja sierra čoaggima lassegoluid gokčamii eallinfápmo- ja teknikkalaš lávdegoddi evttoha ain gielddaráđdehussii ja váldostivrii, ahte sirdinlásten- ja ávkebázahusbáikki távssat bajiduvvojit 10 %:in 1.8.2023 rájes ja ruovttudoaluid ekomávssut 30 %:in 1.1.2024 rájes. Seammás ekomávssu namma nuppástuhtto bázahusfuolahusa vuodđomáksun.

Seammás nannet, ahte oktasaš čoagginlihtiid geavaheaddjit leat geatnegahtton máksit bázahusfuolahusa vuodđomávssu, vaikke sis ii livččege iežaset lihti.

Mearrádus:

Ilmari Tapiola evttohii, ahte ášši máhcahuvvo lávdegoddái dakkár nisttiiguin, ahte čielggaduvvo ja spesiferejuvvo dat mainna vugiin bázahusfuolahus doaibmagoahtá lága mielde, dahjege dakkárin ahte bázahusfuolahusa boadut buhttejít bázahusfuolahusa goluid, iige dasa galgga geavahit vearroruđaid. Evttohus dohkkehuvvui ovttamielalaččat.

Juohkin

Teknikkalaš doaibma

Beavdegirjji dárkkisteaddjit:

Ruhtadoalu dili birra oanehaččat

Gr 09.10.2023 § 150

Gullat ruhtadili birra oanehaččat.

Evttohus:

Merkejuvvui diehtun.

Mearrádus:

Merkejuvvui diehtun.

Doaibmaorgánaid mearrádusat

Gr 09.10.2023 § 151

Lávdegottiid beavdegirjjit galget doaimmahuvvot gielddahovdii njealje beaivve siste beavdegirjii dárkkisteamis. Gielddaráđdehusas lea váldinvuoigatvuohta lávdegottiid, iežas juhkosa ja vuollásaš stivrra ja virgehálddašeaddji mearrádusaide. Váldinmearrádusa sáhttá dahkat gielddaráđdehus dahje dan ságadoalli, gielddahoavda dahje stivrennjuolggadusas mearriduvvon virgehálddašeaddji. Váldinvuoigatvuođa galgá geavahit manjimustá vuigengáibádusáiggi siste. Geavatlaččat gielddahoavda dárkkista lávdegottiid mearrádusaid. Go gielddaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjjit diehtun ja seammás mearriduvvo, ahte váldinvuoigatvuohta ii geavahuvvo beavdegirjjiide gullevaš áššiin. Beavdegirjjiid kopijiat eai laktojuvvo gielddaráđdehusa beavdegirjái, muhto dat galget leat lahtuid geavaheamis gielddaráđdehusa čoahkkimiin.

Čuovvovaš doaibmaorgánaid beavdegirjjit leat oaidnin láhkai čoahkkinbáikkis:

Čuvgehuslávdegoddi 7.8.2023, Čuvgehuslávdegoddi 12.9.2023, Eallinfápmo- ja teknikkalaš lávdegoddi 27.9.2023.

Evttohus:

Gielddaráđdehus merke diehtun doaibmaorgánaid mearrádusaid ja gávnna, ahte GiellaL 51 § mielde váldinvuoigatvuohta ii leat geavahuvvon.

Mearrádus:

Evttohus dohkkehuvvui.

Áššit diehtun

Gr 09.10.2023 § 152

Evttohus:

Gielddaráđdehus merke, ahte dan dihtui leat boahtán čuovvovaš áššebáhpárat:

Kela

- Kela ja buresveadjinguovlluid gaskasaš gulahallama buorideaddji iskkadeapmi álgá golggotmánus
- Sosiáladordvui leat boahtimen mánga nuppástusa jahkái 2024

Kolpene bálvalanguovddáša gielddaidovttastupmi

- Doaibmačilgehus ja rehketdoalloloahpahus 2022

Lappi buresveadjinguovlu

- Einnostusaid mielde buresveadjinguovllu vuolláibáza lassána
- Guovlohálddahus 28.6.2023 § 244, Lappi buohccedikšunbire gielddaidovttastumi lahttogieldarehketbearrama vuigen ja badjebáhcaga máhcaheapmi
- Guovlohálddahus 16.8.2023 § 287 Lappi buresveadjinguovllu ja Lappi gielddaid ovttasbargošiehtadusa hámus veajuiduhtti bargodoaimma, sosiála veajuiduhttima ja sosiálafuolahuslága dáfus 27 e ja 27 d § mielde.

Lappi lihthu

- Stivra; Beavdegirji 28.8.2023

Muoná gielda

- Beavdegirji váttdus Gr 28.8.2023 § 225; Nammadeapmi Lappi buresveadjinguovllu strategiija programmabarggu válmmaštallamii/ lahtu nammadeapmi viiddes čuovvunjovkui

Mearrádus:

Merkejuvvui diehtun.

Merkejuvvui beavdegirjái, ahte Laura Niittyvuopio-Valle guđii čoahkkima dii. 16.30 mearrádusdahkama maŋŋá.

Boddu dii. 16.25-16.35. Bottu maŋŋá ságadoalli gávnnahii, ahte buohkat lahtut, geat ledje mielde álgoálgosaš nammačuorvumis, ledje ain mielde čoahkkimis earret Vesa Länsman ja Laura Niittyvuopio-Valle.

Ohcejoga gielda		Beavdegirji	8/2023	43
Eallinfápmo- ja teknihkalaš lávdegoddi	§ 73	27.09.2023		
Gielddaráđđehus	§ 153	09.10.2023		

Tontte oastin, Seilonen Aimo

46/10.00.02/2023

Ealtekig § 73

Aimo Seilonen lea doaimmahan 13.6.2023 Ohcejoga gildii tontte oastinfálaldaga tonttes, mii sajáiduvvá Ohcejoga girkosiidda sajádatlávvguvlui koartilis AO 15, tonte nr 8.

Oastis lea tonttes bearašdállu. Váldostivra lea nannen gv. lávvamerkema tonttiid vuovdinhaddin 2,90 euro/m2, tontte sturrodát lea s. 1180 m2, nappo gávpehaddin šaddá 3.422,00 euro. Gielddaráđđehusas lea áššis mearridanváldi.

Válmmaštalai: giddodathoavda Markku Porsanger.

Evttohus:

Lávdegoddi evttoha gielddaráđđehussii: Gielddaráđđehus mearrida vuovdit gv. tontte gávpehattiin 3.422,00 euro váldostivrra nannen távssa mielde.

Mearrádus:

Evttohus dohkkehuvvui.

Gr 09.10.2023 § 153

Evttohus:

Gielddaráđđehus mearrida vuovdit tontte gávpehattiin 3.422,00 euro dainna dávssain, man váldostivra lea nannen.

Mearrádus:

Evttohus dohkkehuvvui.

Juohkin

Teknihkalaš doaibma

Gielddaráđdehus	§ 104	05.06.2023
Váldostivra	§ 36	21.06.2023
Gielddaráđdehus	§ 154	09.10.2023

Giddodat Oy Ringinvatro loatnaordnedallan

172/02.04.05/2013

Gr 05.06.2023 § 104

Ohcejoga gieldakonseartna vuollefitnodat Kiinteistö Oy Ringinvatros leat ekonomalaš hástalusat ceavzit loatnamáksimis. Ulbmilin lea, ahte boahttevaš jagiid giddodatfitnodaga doaibma ovddiduvvo, nu ahte dat ceavzá dan ekonomalaš ja eará geatnegasvuodain.

Ringinvatro lea álggahan ruhtadoalu sanerenprográmma. Ulbmilin lea fidnet giddodatfitnodaga ruhtadoalu stáđđásabbon dálážiis. Okta sanerenprográmma doaibma lea loanaid ruovttoluotta máksima ođđasitordnen. Stáhtakantuvra eaktuda, ahte gielda čujuha oamasteaddjistivreimiin leat mielde sanerendoaimmain. Giddodatfitnodaga stivra ohcá gielddaráđdehusas reanttuhis oanidanfriijavuoda gieldda loanaide máhccevaččat 1.1.2022 rájes dálá váldostivrabaji lohppii.

Evttohus:

Gielddaráđdehus evttoha váldostivrii, ahte Kiinteistö Oy Ringinvatroi mieđihuvvo reanttuhis oanidanfriijavuolta gieldda fitnodahkii juolluduvvon loanaide. Máksinfriijavuolta mieđihuvvo áigodahkii 1.1.2022- 30.6.2025.

Mearrádus:

Evttohus dohkkehuvvui.

Váld 21.06.2023 § 36

Evttohus:

Gielddaráđdehus evttoha váldostivrii, ahte Kiinteistö Oy Ringinvatroi mieđihuvvo reanttuhis oanidanfriijavuolta gieldda fitnodahkii juolluduvvon loanaide. Máksinfriijavuolta mieđihuvvo áigodahkii 1.1.2022- 30.6.2025.

Mearrádus:

Giddodat Oy Ringinvatro doaimmahoavda Mirja Savolainen ovdanbuvttii ášši áirasiidda.

Evttohus dohkkehuvvui.

Gielddaráđdehus	§ 104	05.06.2023
Váldostivra	§ 36	21.06.2023
Gielddaráđdehus	§ 154	09.10.2023

Gr 09.10.2023 § 154

Stáhtakantuvra lea bivdán gieldda dievasmahttit ovddit mearrádusas iežas váriid reanttohisvuoda ektui ja lassin aravaloana 1207-103970 iežasvelggolaš dáhkádusa ektui. Stáhtakantuvrra mearrádus ja fápmuibohtima eavttut leat lassemateriálan.

Evttohus:

Gielddaráđdehus evttoha váldostivrii, ahte dat dohkkeha aravaloana 1207-103970 iežasvelggolaš dáhkideaddjin Stáhtakantuvrra mearrádusa dnr VK/17965/07.03.04/2023-16 ja dan nuppástusaid ja mearrida, ahte gielda ii beara organisašuvdnii investerejuvvon iežas váriide boađu loatnaeavttuid nuppástusáigge nappo jagiid 2023-2028.

Mearrádus:

Ilmari Tapiola almmuhii, ahte son lea easttalaš ášši meannudeamis. Merkejuvvui beavdegirjái, ahte Ilmari Tapiola guđii čoahkkima ášši meannudeami áigái.

Evttohus dohkkehuvvui.

Juohkin

Váldostivra

Ovddasteaddji nammadeapmi Our Precious Transboundary Waters -prošeavtta stivrenjovkui

53/00.01.05/2023

Gr 09.10.2023 § 155

Lappi EJB-guovddáš lea ohcan ovttasbargoguimmiidisguin ruhtadeami ja ožžon dan Interreg-prošektii Our Precious Transboundary Waters. Prošeavtta stivrenjovkui bovdejuvvojit ovddasteaddjit rádjegielddain. Suomas ovddasteaddjit bovdejuvvojit Ohcejogas ja Anáris, geat ovddastit rádjegielddaid suomelaš-norgalaš rádječázádatkommišuvnnas.

Prošeavtta olles namma: Our Precious Waters - Finnish-Norwegian water catchment management to conserve joint waters and biodiversity.

Prošeaktoáigodat: 01.08.2023-31.07.2026.

Stivrenjoavkku lahtuide eai máksojuvvo čoahkkinbálkkát, muhto mátkegolut buhtaduvvojit.

Prošeavtta stivrenjovkui leaba almmuhan gearggusvuodaset ankke Sammol Lukkari ja Mika Aikio.

Evttohus:

Gielddaráđdehus nammada stivrenjoavkku lahtu ja várrelahtu prošektii.

Mearrádus:

Ilmari Tapiola evttohii, ahte Mika Aikio nammaduvvo stivrenjoavkku fásta lahttun ja Sammol Lukkari várrelahttun. Evttohus dohkkehuvvui ovttamielalaččat.

Juohkin

Nammaduvvon ovddasteaddjit

Gulahallankordináhtora 50 % doaimma deavdin 1.1.2024-31.12.2025

46/01.01.01/2022

Gr 09.10.2023 § 156

Gieldalága (29§) mielde gulahallan lea gieldda láhkageatnegahtton bargu. Gulahallamis leat gielddas mánga rolla: virggálaš dieđiheapmi, diehtajuohkin gieldalaččaide, mearrádusgulahallan, gulahallan oassálastinvejolašvuodaid birra, giellamárkanastin, beaggima kontrolleren, organisašuvnna jođiheami doarjun ee. Gulahallanmáhtu mearkkašupmi ja mánga kanála geavaheapmi leat lassánan hui ollu.

Ohcejoga gielddas lea leamašan gulahallanáššedovdi 1.8.2020 rájes iešguđet sturrosaš oasseáigásaš bargomeriin.

Gulahallanáššedovdi bargguide gullet:

- gieldda siskkáldas ja olgguldas guovttegielat gulahallan ja daid ovddideapmi
- gieldda gulahallanstrategiija čállin, dan ollašuhttima koordineren ja čuovvun
- sisdoallobuvttadeapmi gieldda buot gulahallankanálaide (dieđáhusat, ođđasat, videot, sosiála media gulahallan, siskkáldas ja olgguldas neahttabálvalusa váldodoaimmaheapmi)
- mediaservodat ja mediačuovvun
- gieldda gulahallanskuvlejumiid plánen ja ollašuhttin
- eanagotti gulahallanfierpmádagaide oassálastin
- hálddahušgottit vástidit dain operatiivvalaš rutiidnadieđiheamis (omd. rabas virggit/doaimmat, Virgehálddašeaddjimearrádusat, prošeaktagulahallan)

Giđa 2023 rájes turismma birra gulahallamis lea fuolahan Aletta Lakkala buohtalasbargun, mas 100 % bargu lea juhkkjuuvvon gulahallanáššedovdi ja turismavástideaddji bargguide. Lakkala lea cealkán iežas eret ja heitá barggus jagi loahpas 2023.

Guktot barggut, giellagulahallan ja turismagulahallan, leat dehálaš barggut, vai gielddas gulahallan lea njuovžil ja gieldda doaimmat oidnojit.

Gielddas leat muhtin bargit, geain leat boarásmuvvan bargonamahusat. Dasa lassin iešguđet doaibmasuorggis bargonamahusat spiehkkašit gáibádusaideaset dáfus sullasaš bargguin. Go doaibma/doaimmat devdojuvvojit, de lea buorre dilálašvuotta heivehit muttuid mielde bargonamahusaid okti.

Gulahallankordináhtora 50 % doaimma bálkágolut gullet gielddaráđdehusa bušeahttaárvalusválmmaštallamii.

Evttohus:

Gielddaráđdehus fápmuda virggi dikšu gielddahoavdda oassálastit eallinfápmohoavddain 100 % buohtalasbarggu rekruteremii.

Doaibma lea gulahallan- ja turismakoordináhtora doaibma, mas 50 % lea gieldagulahallamii ja 50 % turismakoordineremii.

Eallinfápmo- ja tehnikkalaš lávdegoddi bargá iežas mearrádusa 50 % turismakoordináhtora rekruteremis čoahkkimisttis 11.10.

Mearrádus:

Evttohus dohkkehuvvui.

Juohkin

vs. gielddahoavda

Eallinfápmo- ja teknikalaš
lávdegoddi

§ 79

27.09.2023

Gielddaráđdehus

§ 157

09.10.2023

Ohcejoga gieldda oassálastin MountRecilience-fitnui

51/00.01.05/2023

Ealtekig § 79

Lea gávnnavuvvon, ahte dálkkádatnuppástus nuppástuhtá luonddu earenoamážit ravdaguvolluin. Dákkár ravdaguvollut leat ovdamearkka dihte várrás guovllut ja davimus guovllut Eurohpás. Ohcejohka ja Eanodat leat Suomas áidna ng. alpiinnalaš guovllut, maidda leat mihtilmasat ekstrema dálkkádagat, duottarjalgadasat ja uhcán vuovddit, Suomas dat leat eanaš lagežat. Goappáge gielddas boazodoallu ja turisma leat mearkkašahtti ealáhusat, mat vuodđuduvvet davviguovllu lundui. Dálkkádatnuppástus áitá ealáhusaid, maid vuodđuduvvet davviguovllu lundui.

Lappi lihttu gávnnavii MountRecilience-fitnus vejolašvuoda ovddidit davviguovlluid ealáhusaid vuogáiduvvama dálkkádatnuppástussii ja bovdii Ohcejoga ja Eanodaga gielddaid fárrui pilohttaguovlun. Dasa lassin

Dasa lassin Lappi pilohtas leat ovttasbargoguoibmin Lappi turismaealáhusa lihttu ja Luondduriggodatguovddáš.

Riikkaidgaskasaš fitnu eará ovttasbargoguvollut leat čuovvovaš riikkain: Itália, Sveica, Nuortariika, Kroatia, Polska, Románia, Bulgária ja Espánnja.

Lappi lihttu jođihii fidnui oassálastima ráhkkaneami. Ohcejogas ráhkkanančoahkkimiidda oassálaste Ohcejoga gieldda ja goappáge bálgosa ovddasteaddjit. Gielddahoavda lea 3.4.2023 vuolláičállimiin almmuha čatnasumi fidnui.

Fitnu fáddán lea lundui vuodđuduvvi ealáhusaid ja báikkálaš servošiid vuogáiduvvan dálkkádatnuppástussii. Ulbmilin lea doarjut Eurohpá várrás guovlluid ja daid servošiid dálkkádatnuppástussii vuogáiduvvamis ja vuogáiduvvannávcca nannemis. Fitnu Lappi pilohtas ovddiduvvo ovttas Luondduriggodatguovddášii, Lappi turismaealáhuslihtuin ja Eanodaga ja Ohcejoga gielddaiguin mállet boazodoallo- ja turismafitnodagaid vuogáiduvvanplánii ja dasa laktáseaddji hárbhallamii ja maid gielddaid vuogáiduvvanplánii. Fidnu doarju Green Deal -bálggeskártta ja maid dan lundui ja dálkkádahkii guoski ulbmiliid. Fitnu bohtosat ávkkástallojuvvojit Lappi dálkkádatbarggus oassin guovllu ovddideami.

Fitnu vuodđodieđut:

Fitnu namma HORIZON-MISS-2022-CLIMA-01 Research and Innovation actions in support of the implementation of the Adaptation to Climate Change Mission

Beavdegirjii dárkkisteaddjit:

Ohcejoga gielda		Beavdegirji	8/2023	50
Eallinfápmo- ja teknihkalaš lávdegoddi	§ 79	27.09.2023		
Gielddaráđđehus	§ 157	09.10.2023		

Fitnu áigodat: 1.9.2023-29.2.2028

Ohcejoga bušeahtta: 265 125€ (100 % ruhtadeapmi + flat rate)

Ohcejoga fidnobargi: Oppa fitnu áigodat, 50 % bargoáigi

Lappi pilohta ovttasbargoguoimmit: Lappi lihttu, Ohcejohka,
Eanodat, Luondduriggodatguovddáš, Lappi turismaealáhuslihttu.

Eallinfápmohoavdda evttohus:

1) Ohcejoga gielda oassálastá fidnui, man namma lea HORIZON-
MISS-2022-CLIMA-01 Research and Innovation actions in support of
the implementation of the Adaptation to Climate Change Mission

2) Ohcejoga gielda rekrytere fitnu ollašuhhtimii plánejuvvon bušeahta
mielde fidnobargi, gean bargoáigi lea 50 % fitnu áigodagas.

Eallinfápmo- ja teknihkalaš lávdegoddi evttoha gielddaráđđehussii ja
ain váldostivrii lassimearreruđa fitnu várás jahkái 2023. Golut:
Aitosaš golut 15 711 e, flat rate 3 928 e, oktiibuot 19 639 e Boađut:
19 639 €, Netto: 0 €

Mearrádus:

Uula Tapiola vulggii eret dán gieđahallama áigge dii. 17:28.

Eallinfápmohoavdda evttohus dohkkehuvvui.

Gr 09.10.2023 § 157

Evttohus:

Gielddaráđđehus dohkkeha ja evttoha ain váldostivrii
dohkkehanláhkai lassimearreruđa MountRecilience -prošektii jahkái
2023, manut: aitosaš golut 15 711 €, flat rate 3 928 €, oktiibuot 19
639 €, boađut: 19 639 €, netto: 0 € 0 €

Mearrádus:

Evttohus dohkkehuvvui.

Juohkin

Váldostivra

Beavdegirjji dárkkisteaddjit:

Nuppástusohcangildosat

Gildosiid vuoddu	Čuovvovaš mearrádusain ii gieldalága 136 § mielde oaččo dahkat vuigengáibádusa iige gieldaváidaga, dasgo mearrádus gusto dušše válmmaštallamii dahje ollašuhthimii: Paragrátat 131, 132, 133, 134, 136, 137, 138, 139, 140, 141, 142, 145, 146, 147, 148, 149, 150, 151, 152, 154, 157
	Dasgo mearrádusas sáhtá dahkat gieldalága 137 § 1 mom. mielde čálalaš vuigengáibádusa, de čuovvovaš mearrádusaide ii oaččo ohcat nuppástusa váidimiin: Paragrátat 135, 143, 144, 153, 155, 156
	Hálddahušlágageavahanlága (HallintolainkäyttöL) 5 § / eará láhkaásahusa mielde čuovvovaš mearrádusaide ii oaččo ohcat nuppástusa váidimiin. Paragrátat ja váidingildosiid vuđđosat

Vuigengáibádusrávvagat

Vuigen- gáibádus virge- oapmahaš ja -áigi	Čuovvovaš mearrádusaide duhtameahttun olmmoš sáhtá dahkat čálalaš vuigengáibádusa. Virgeoapmahaš, geasa vuigengáibádus dahkkojuvvo, čujuhus ja poastačujuhus: Ohcejoga gielddaráđdehus PL 41 99981 Ohcejohka Paragrátat 135, 143, 144, 153, 155, 156 Vuigengáibádusa galgá dahkat 14 beavve siste mearrádusa diehtunoažžumis. Vuigengáibádusaiggi rehkenasttedettiin diehtunoažžunbeaivi ii váldojuvvo lohku. Gieldda lahttu gehččojuvvo ožžon mearrádusas dieđu čieža beavve geažes das, go beavdegirji lea biddjon oaidninláhka almmolaš diehtofierbmái.
Vuigen- gáibádusa sisdoallu	Vuigengáibádusas galgá boahit ovdan gáibádus oktan vuđđosiiguin ja dan galgá dahkki čállit vuollái.

Váiddačujuhus

Váidda- virge- oapmahaš ja váidináigi	Čuovvovaš mearrádusaide oažžu ohcat nuppástusa čálalaš váidagiin. Vuigengáibádusas addojuvvon mearrádussii oažžu ohcat nuppástusa gieldeváidagiin dušše dat, gii lea dahkan vuigengáibádusa. Jos mearrádus lea vuigengáibádusa geažil nuppástuvvan, de mearrádussii oažžu ohcat nuppástusa gieldeváidagiin maiddá áššáiosolaš sihke gieldda lahttu.
	Váiddavirgeoapmahaš, čujuhus ja poastačujuhus Davvi-Suoma hálddahušrikti Uksačujuhus: Isokatu 4, Oulu Poastačujuhus: PL 189 90101 OULU
	Gieldeváidda, paragrátat Váidináigi 30 beavve
	Hálddahušváidda, paragrátat Váidináigi beavve
	Eará váiddavirgeoapmahaš, čujuhus ja poastačujuhus Paragráfa Váidináigi beavve beavve beavve
	Váidináigi álgá mearrádusas dieđu oažžumis. Váidináiggi rehkenasttedettiin diehtunoažžunbeaivi ii váldojuvvo lohku.

Laktojuvvo

beavdegirjái

Váiddagirji	Váiddagirjiis galgá almmuhit - váidi nama, poastačujuhusa, ruovttugieldda ja telefonnummira - mearrádusa, masa ohcá nuppástusa - man ráje mearrádusas váidojuvvo ja nuppástus, mii dasa gáibiduvvo dahkat - nuppástusgáibádusa ákkaid Váiddagirji galgá váidi dahje váiddagirji eará juridihkalaš čáli vuolláičállit. Juos dušše juridihkalaš čáli lea vuolláičállán váiddagirji, de das galgá máinnašit maiddá juridihkalaš čáli ássangieldda, poastačujuhusa ja telefonnummira. Váiddagirjái galgá laktit mearrádusa, mas váidá, álgoálgosažžan dahje virggi beales riektadin duođaštuvvon kopiijan sihke duođaštusa das man beaivve mearrádus lea addojuvvon diehtun dahje eará čilgehusa, man rájes váidináigi galgá lohkkjuvvot.
Váidda-áššegirjiid doaimmah eapmi	Váiddaáššegirjiid galgá doaimmahit váiddavirgeoapmahažžii ovdal váidináiggi nohkama. Juos váidináiggi maŋimus beaivi lea bassebeaivi, iehčanasvuodabeaivi, válborebeaivi, juovla- dahje jonssotruohtta dahje árgalávvardat, de váiddaáššegirjiid oážžu doaimmahit váiddavirgeoapmahažžii vuosttas beaivve dan maŋŋá. Iežas ovddasvástádusain váiddaáššegirjiid sáhtá sáddet poastta dahje áirasa mielde. Postii váiddaáššegirjiid berre guođđit nu áiggil, ahte dat gerget boahtit ovdal go váidináigi nohká. Váiddaáššegirjiid sáhtá doaimmahit maid: namma, čujuhush, poastačujuhush Paragrafat Váiddaáššegirjiid galgá doaimmahit 1): namma, čujuhush, poastačujuhush Paragrafat
Lassi-dieđut	Dárkilis vuigengáibádusráva/váiddačujuhush laktojuvvo beavdegirji váldosii.

1) Jos doaimmahuvvo eará sadjái go váiddavirgeoapmahažžii.